

645
1064/2

ეროვნული
ბიბლიოთეკა

სამკობრო ქართ

გვერდი 8
№ 8 1964 წ.

ახალი შეხვედრის კონცენი



9365

სულიკო კობტავა

დღეს ქვეყანა ლაბარაკობს მახარაძელ და ქობულეთელ მერაბთა თაოსნობაზე — შეასრულოს ჩაის კრეფის შვიდწლიანი გეგმა ექვს წელიწადში.

შესანიშნავია! ჩვენ ასეთი თაოსნობების უამრავი ფაქტის მოწმენი ვართ. ჩვენს დროში აქ გასაკვირი არაფერია. მაგრამ თუ მოვისურვებთ კონკრეტულად დავადოთ ხელი, ვინ იქისრა პირველად ეს ვალდებულება, გაგვიჭირდება, მაგრამ მაინც შეგვიძლია წარმოვიდგინოთ, რამ ასაზრდოვა იგი, როგორ დაიბადა, როგორ გადაეღო სხვებს, აწვირთდა და წამოვიდა.

გასული წელი რესპუბლიკის მერაბების გამარჯვების წელი იყო. მათ მოკრიფეს 186.000 ტონა ხარისხოვანი ჩაის ფოთლი და მნიშვნელოვნად გადააჭარბეს გეგმას.

ეს შრომითი გამარჯვება მათ მხურვალედ მიულოცეს სკკპ ცენტრალურმა კომიტეტმა და სსრ კავშირის მინისტრთა საბჭომ. ამ

მოლოცვამ უფრო აღაფრთოვანა მშრომლები. ამიტომ იყო, რომ მათი სახელით საქართველოს კპ XXII ურილობამ პირობა მისცა სკკპ ცენტრალურ კომიტეტს და სსრ კავშირის მინისტრთა საბჭოს, რომ საქართველოს მერაბები 1985 წლისათვის ქვეყანას მისცემენ 200.000 ტონა ხარისხოვან ჩაის ფოთლოს.

ეს დაპირება მერაბებმა საკუთარ ნათქვამად ჩათვალეს. გავიდა ცოტა ხანი და ახლის თქმა დააპირეს. რატომ არ შეიძლება, რომ ერთი წლით ადრე, წელს მივცეთ სახელმწიფოს 200.000 ტონა ჩაი?

მაგრამ ჭირ ეს ვალდებულება არ ჰქონდათ აღებული, რომ დაიწყეს ჩაის პლანტაციების გადაბარვა, გასხლვა, ფუმიგაცია, კულტივაცია. მინდვრებში გამოჩნდნენ მანქანები და ეს საშუალები მანქანებამაც იყისრეს.

და აი, აინთო თაოსნობის პირველი ნაბერწკალი — გურიის ერთერთ სოფელში,

ერთერთმა ბრიგადირმა თავის ბრიგადის წევრებს უთხრა: მოდით, მოვკრიფოთ წელს უფრო მეტი ჩაის ფოთლი! ახლა მეორე სოფელშიც გაიჩინა ამ ხმამ, მერე მესამე სოფლის მერაბებმაც ხანი მისცეს და დაიბადა მახარაძელთა თაოსნობა — წელსვე შეასრულოს ჩაის კრეფის შვიდწლიანი გეგმა. მახარაძელთა კვალდაკვალ ქობულეთელემაც აიღეს ეს ვალდებულება.

ეს იყო დიდი გამბედაობა. ქობულეთელ და მახარაძელ გმირებს მიმდევრები გაუჩნდნენ ზუგდიდში, ცხაკაიაში, გუგუტკორში, წულუკიტეში, — ყველგან, სადაც ჩაის ბუჩქებია და ადამიანები კვლებში დგანან, სადაც კარგად იციან, რომ ჩაი, რომელსაც საქართველოში აწარმოებენ, საუკეთესოა მსოფლიოში, იციან, რომ ბევრ სხვა ქვეყანას, შესაძლოა უკეთესი კლიმატური პირობები ჰქონდეს ჩაის მოსაყვანად, მაგრამ ქართული ჩაის მაღალ ხარისხს მიწათმოქმედების კულტურა განაპირობებს.

საბჭოთა
ბიბლიოთეკა

მადონა კოსტავა



ლამარა კოსტავა



თავა, გიორგი ყურუა, სერგო ლოლუა და სხვები.

ადამიანები მანქანებს გაეჭიბრნენ, თავზე ქულები მოირგეს, კალათები მოიყვანეს წესრიგში და მაისში კრეფა დაიწყეს.

ჩაის კრეფას წვიმიანი გაზაფხული დახვდა.

წვიმის გადაღების ღოდინი არ შეიძლება. ბოლოსდაბოლოს, განა ყოველთვის დაგასველებს წვიმა პლანტაციის? დაგასველებს მაშინ, როცა ფოთოლი იკრიფება. ეს კი წელიწადში მხოლოდ ერთ სეზონზეა, როცა ჰაერი ისეა გამთბარი, რომ წვიმა ვერაფერს დაგაკლებს. მკრეფავები თავიანთი ხელით აკრავდნენ ლოწუნებს: „უკრიფოთ განუწყვეტლივ, ყოველგვარ ამინდში“ მაისში ისინი ძალიან ხშირად ბრუნდებოდნენ შინ დასველებულები, მაგრამ ჯანმრთელად გრძნობდნენ თავს და ყველაფერი ავიწყდებოდათ, როცა შვილები სადილს ასვედრებდნენ. დედების შრომითი აქტივობა შვილებს გადაეღო — არადღეგების დღეებში ისინიც მოედვენ ბუჩქებს და ერთმანეთს გაეჭიბრნენ. ახლა მოსწავლეებმა გააკრეს ფარდულეებთან ლოწუნები: „უველანი, ვისაც კრეფა შეუძლია, ჩაის პლანტაციებში“ სხვანიარად არ შეიძლება ერთი წლით გაუსწრო დროს — ეს კარგად იციან ბავშვებმაც.

სოფლებში დიდი ამბავია. ქალებს არ სცალიათ შესასვენებლად ჩეროში ჩამოსხდნენ. მათ ენანებათ წუთის დაკარგვა. შრომაში შეუმჩნეველად გადის დრო. მკრეფავები ახლა გრძნობენ, რომ დრო ასეთი ძვირფასი არასოდეს ყოფილა. მათ ავტოტორები კვლებში აგებინებენ, სად რამდენი გმირი დაიბადა, რომელ საწარმოო სამმართველოში იყო სარეკორდო მაჩვენებლები.

ადამიანებს ძალიან დიდი მეტოქე ჰყავთ ჩაის საკრეფო მანქანის სახით. ადამიანს არ უნდა ხელი შეუშვას ბუჩქებს. ჭერ სანამ 200 მანქანა რესპუბლიკაში, ჩაის კრეფის

ბედს ადამიანის ხელები წყვეტენ. და ჭერ კიდევ ამჟამინდელ მკრეფავებში მიყრდნობის ბედი მათ ახარიათ. ქალებს ერთმანეთთან სალაპარაკო დრო არა აქვთ. მათ, რომლებსაც იმის დროც არა აქვთ, ერთი ორი სიტყვა უთხრან მათთან ჩასულ კორესპონდენტს და სურათი გადაიღონ. მაინც აჭრელდა გაზეთები მათი სურათებით. გაზეთით ბევრმა გაიცნო სოფელ რუხის კოლმეურნეობა „საქართველოს“ მეჩაიე თ. ჭკალუა, ნოჯიხევის კოლმეურნეობის წევრი კ. სინარულიძე, ჭკალუაშის კოლმეურნეობის წევრი ც. გულორიძე, რომლებიც 80 კილოგრამის ნაცვლად ყოველდღიურად 60-90 კილოგრამ ფოთოლს კრეფენ. ასეთები კი ბევრია — ლეხანიდრელი ლაიზა ბართია თუ ჭანჭათელი თინა ცინცაძე, კონჭკათელი კომკავშირელები ლამარა, ცირა, მადონა კოსტავები, თუ მაგული რუსეიშვილი, ნათელა ბუილიშვილი, ცაგო ჩხაიძე.

მარტო გვარები რას გვეტყვიან, თუ წარმოდგენა არა გვაქვს, რა ძნელია მეჩაიის შრომა. შუისგულზე, წვიმაში, ყოველგვარ ამინდში დღითიდღე იზრდება კრეფის ტემპი და თუ ჩამორჩი ამ ტემპს, ვეღარ დაეწევი. რამდენს ნიშნავს ამ დროს, როცა არაფრის დარდი არა გვაქვს, როცა ბავშვი ბავაში დასტოვებ და საღამოს მოვიღოს შინ წაიყვან.

რა კარგი საქმე კეთდება იმ კოლმეურნეობებში, სადაც მეჩაიეებისთვის ცხელი კერძები დააქვთ.

ეს ცხელი კერძები რომ ყველა კოლმეურნეობის პლანტაციებში დაჰქონდეთ, ხომ უფრო მეტად იზრდებოდნენ ჩვენი დღის გმირები დაფასებას!

მივხედოთ ამ საქმეს, თუ მეჩაიე არა ვართ, მათი გულშემატკივრები ხომ ვართ, ვინც პლანტაციასაა.

მათი გმირობა კი რესპუბლიკის სახელია.

მაგული რუსეიშვილი, ნათელა ბუილიშვილი და ცაგო ჩხაიძე.



მსოფლიოში პირველი ჩაის საკრეფო მანქანა „საქართველოც“ ამ გმირებს შეუერთდა. თუ გასულ წელს რესპუბლიკაში 100 ჩაის საკრეფო მანქანა იყო, წელს 200 საკრეფო მანქანა ჩადგა პლანტაციებში. ადამიანებმა ამ მანქანების იმედი დაიჭირეს. მათ იცოდნენ, რომ შვიდწლედის მესხეთე წელი ინგირის ჩაის საცდელმა საბჭოთა მეურნეობა-ფაბრიკამ სასახელოდ დაამთავრა, 1.900 ტონის ნაცვლად მოკრიფა 2.502 ტონა „მწვანე ოქრო“, აქედან 1.047 ტონა მანქანის წილად მოდის. წელს მარტო ინგირის საბჭოთა მეურნეობა-ფაბრიკაში 400-ზე მეტ ჰექტარზე ფოთოლს მანქანა „საქართველო“ მოკრეფს. ამ მანქანებს მისხდომიან მექანიზატორები — ლოლა არღვლიანი, კლარა დავი.

საუბრობა

ზაფხულის პაპანაქება ჩამომდგარა ალაზნის ველზე კავკასიონს კი შავი ღრუბლები მოსჯარება, ტყვიითა და დენით გატენილი.

მდინარის პირას სამხედრო ბანაკი დგას. ბორცვებზე რადიო-ლოკატორებია. ისინი ფხიზლად დაეძებენ მტრის შესერშიტებს, რომლებიც ყოველწუთს შეიძლება გადმოვივლონ კავკასიონს.

- სათვალთვალო პუნქტზე მორიგე მოვიდა.
- აჰ, გრუნია, მოხვედი?
 - ვიცი, უძილო იქნები, წადი, დაიძინე.
 - გმადლობთ, გმადლობთ...
 - გტყობა სადღაც თქვენი მიმართულებით ფრენს...
 - კი, მაგრამ...
 - არა. ოდნავი რხევაა, მთებზე თუა...

გრუნია ჩასცქეროდა ხელსაწყოებს, რომლებიც გრძობდნენ სივრცეს, ნიავის ოდნავ მოძრაობას, სუნთქვასაც კი.

— ალო, ალო, თვითმფრინავი, — გაისმა სავლელ ტელეფონში ქალის მღვლეარე ხმა. სიბრახისა და მოუთმენლობისაგან ქალს სიტყვები ყელში ეჩხირებოდა. მან იმავე წუთს ყველაფერი გამოითვალა. N საზენიტო ბატარეამ მყისვე აღმართა ფოლადის ყელი. მტრის თვითმფრინავი განადგურებულ იქნა. გრუნია თითქოს თვითონ იჯდა საზენიტო ქვემეხთან, თითებს იმტვრევდა... გულს მოეშვა. რადიო-ლოკატორის იმპულსის მოციმციმე სხივებიც დამშვიდნენ.

ერთი წელიც არ იყო, რაც არმიაში მოხალისედ მოვიდა გრუნია, მაგრამ უკვე შეესისლხორცა მებრძოლთა ცხოვრებას. სულ მალე გრუნია ნავროზაშვილი, საავიაციო ნაწილის რიგითი ჯარისკაცი, კახეთიდან ბაქოში, მერე ნალჩიკში გადაიყვანეს. მიდიოდნენ დღეები. მიიწვედნენ ჩვენი მეომრები წინ და გრუნიაც ერთი ასთავანი, ერთი მილიონთავანი გაბედულად მიჰყვებოდა მათ.

ომის დამთავრებამდე დაბრუნდა გრუნია საქართველოში. ასეთი იყო ბრძანება. კვლავ სამხედრო ნაწილში განაგრძობდა მუშაობას. წარუშლელია ხსოვნებიდან ეს დღეები. ომი ყველასათვის მკაცრი სკოლა და გამოცდა იყო. მომხიბვლელ ქალიშვილსაც, როგორც ბევრ სხვას, ომმა მძიმე ჭრილობა დაუტოვა გულში—ფრონტზე დაჭარბა საყვარელი ძმაც და მეუღლეც. გასაჭირს უმსუბუქებდა პატარა ნელი, რომელიც თანდათან იღვამდა ენას.

• • •

ამიერკავკასიის რკინიგზის თბილისის მე-5 სამგზავრო-სავაგონო დეპო, ხმაურიანი, სიცოცხლითა და შრომით სავსეა. სხვანაირად ან კი როგორ უნდა იყოს! აქედან ხომ ყოველდღე ათობით

შემადგენლობა გადის სხვადასხვა მიმართულებით, თითოეულ შემადგენლობას მომსახურე პერსონალი ჰყავს, რომლებიც დეპოს კოლექტივის წევრები არიან. მოდიან ისინი, ამოწმებენ ვაგონების მზადყოფნას, ხანაც პარტიული კრებაა, საწარმოო თათბირია, ისე რომ, დეპოში ყოველთვის ხალხმრავლობა, საუბარი, მიმოსვლა, ხმაურია. საგამწესრიგებლოში კი სიწყნარეა. გამწესრიგებელი აკვირდება გრაფიკს, იცის, ვინ უნდა წავიდეს ამ დღეს ხაზზე. მაგრამ ხომ შეიძლება ბრიგადირი ან გამცილებელი ცუდად გახდეს, ვერ მოვიდეს, დააგვიანოს? მაშინ მორიგე გამწესრიგებელი სათადარიგო ხალხს იძახებს და აკომპლექტებს გამყოლთა შემადგენლობას. აქ ფხიზელი თვალთა საჭირო. არ შეიძლება მატარებელს გაჰყვას მომსახურე კაცი, რომელიც სამუშაოდ არ არის განწყობილი. რკინიგზაზე, ადამიანების სიცოცხლესთან თამაში არ შეიძლება.

ეს რომ ასეა, კარგად იცის გრუნია ნავროზაშვილმა და „მკაცრი“ გამწესრიგებლის სახელობა აქვს დეპოში. ვერც გავამტყუნებთ. ამას

წინათ მორიგეობის დროს მატარებელი „თბილისი-ფოთის“ გამცილებელი თ. სადალაშვილი ნასვამი გამოცხადდა. ნავროზაშვილმა აუკრძალა მას მატარებლის გაყოლა. ასევე მოექცა „თბილისი-მასარაძის“ გამცილებელს პ. ხალიაპინს. ორივემ სათანადო სასჯელი მიიღო...

გრუნია ნავროზაშვილი 23 წელია დეპოშია. ადამიანებმა ახლო გაიცნეს იგი, ყველა კმაყოფილია მისი შრომისმოყვარეობით და პრინციპულობით.

დაჭრილი გული შეხორცდა. გრუნია იათვა მეგობარი—თავისი ცხოვრება დაუკავშირა დეპოს მოწინავე ბრიგადირს ჯანსუღ მოსიაშვილს. ჯანსუღის გამცილებელთა ბრიგადამ, რომელიც „თბილისი-სოჭის“ ხაზს ემსახურება, ამიერკავკასიის რკინიგზაზე ერთ-ერთმა პირველმა მოიათვა კომუნისტური შრომის საპატიო სახელი. ცოლიც და ქმარიც ხელისუფლებადებული მიყვებიან შემოქმედებითი შრომით აღსავსე ცხოვრებას.

ბ. ჰივერიძე



N 26 სახლში საიღებოდა



მ ო თ ხ რ ო ბ ა

მხატვარი ა. გოლიახოვსკაია

კალიფორნიის ერთი პატარა, შეუმჩნეველი ქალაქი გახლდათ მერისვილი. მერისვილში ყველა ერთმანეთს იცნობდა, ყველამ ერთმანეთის ასავალ-დასავალი იცოდა. თითქმის მინის საფარქვეშ, სააშკარაოზე მიმდინარეობდა ცხოვრება და რა საიდუმლო შემთხვევა უნდა ყოფილიყო, რომ ბიბლიისა და სისხლის სამართლის კოდექსის მკაცრი დაცვის შედეგად ბოლოს მაინც არ გამოშვდებოდნენ.

ამიტომაც, მერისვილში არაფერი არ ხდებოდა და პოლისმენი მაიკლი, რომელიც ცენტრალურ მოედანზე იდგა, მოწყენილობისა და უსაქმურობისაგან კვდებოდა. უკანასკნელი ღირსშესანიშნავი ამბავი ყვავილის ეპიდემია გახლდათ, ეპიდემიამ 50 წლის წინ იფეთქა ამ მხარეში და აქაურ მკვიდრთა — კალიფორნიელ ინდიელთა სიცოცხლე წაიღო. შემდეგ მთელი ნახევარი საუკუნის მანძილზე მერისვილში სრული სიმშვიდე სუფევდა, ვიდრე ქვრივმა მარგარეტ სტივენსმა ერთ კვირადღეს ქვრივ გვენდოლენ უინჩთან არ მიიზიბინა, რომ უცნაური ამბავი, რომელიც მათ შვილებს შეეხებოდა, ეცნობებინა.

— ყური მიგდებ გვენდოლენ, — დაიწყო ქვრივმა სტივენსმა, რომელიც ის-ის იყო თვალგაღმოსავრებული შემოვიდა საშარულოში. — № 26 სახლში ბებერ ჯოუნზის გარდაცხოვრობს კიდევ ვინმე?

გვენდოლენ უინჩი გახსნიდა სანთურას წმენდა და თავიც კი არ მოუბრუნებია, ისე უპასუხა: — მეტი ვინ უნდა ცხოვრობდეს? ასი წელი იქნება რაც ჯოუნზი მარტო ცხოვრობს, -- მერე წელიწადს გასწორდა და მარგარეტს მიაჩერდა. მარგარეტს შემინებელი, დაბნეული სახე ჰქონდა. რაღაცა ავი იყნოსა გვენდოლენმა და ჩურჩულით ჰკითხა:

— რა მოხდა?

— სადაა შენი ტომი? — ჩურჩულითვე შეუბრუნა კითხვა მარგარეტმა.

— ტომი შენ ენდისთან ერთად ცკვებზე წავიდა. რა, დაბრუნდა უკვე ენდი?

— არა. ყური მიგდებ ერთი, რა ხდება, გვენ! — აღელვებით განაგრძო მარგარეტმა და სახე სახესთან მიუტანა. — გუშინ ჩემი კნდი ცკვებზე წავიდა. ველოდებოდი, რაღაც არ შეიძინებოდა. მოდი, ვიფიქრე, ქუჩაში გაველ მეთქი. აი, ეს შალი მოვიხურე. გამოვიდა და რას ვხედავ — შენი ტომი ბებერ ჯოუნზის სახლისაგან არ მიიპარება ჩუმჩუმად! კომკარში შევიდა, ფანჯარაზე ნელა დააკაკუნა. ადგილზე გაეშეშდი. და-

ვინახე როგორ გაიღო კარი და შენი ტომი შიგნით შევიდა, კარი კი მოიხურა...

— ჩემი ტომი, ჩემი შვილიყო, — ჩაიდულუნა გვენდოლენ უინჩმა.

— დიახ, შენი შვილიყო, — მოუთმენლად შეაწყვეტინა ქვრივმა სტივენსმა, — ჰოდა, ვდგე ვარ და ვფიქრობ: ხომ არ შემეშალა, იქ რა უნდა გააკეთოს მეთქი. გუშინ არაფერი არ გითხარი. გადაფრვიტე დღეს მიყარაულა, ეს ეს არის დავინახე; ბებერ ჯოუნზთან უკვე ორი მივიდნენ: შენი ტომი და ჩემი ენდი, წარმოვიდგინა! — დმერთო! — წამოიძახა გვენდოლენმა და შეშინებული სახით მიმოიხედა. -- ეს რა ამბავია? რას უნდა აკეთებდნენ იქ დამით? — შუბლი ფიქრინანად შეიჭმუნა. — მართლა, გათენებისას მოვიდა გუშინ ტომი.

— რა ვქნათ ახლა? — ჩაილაპარაკა მარგარეტმა.

უინჩის ქვრივი ჩაფიქრდა და მტკიცედ თქვა: — ვუყარაულოთ, პოლისმენი მაიკლი გაგაფრთხილოთ. სხალ, როგორც კი შიგნით შევლენ, ფესდაფეს მიპყვეს.

— დღეს რაღა ვქნათ? — საცოდავად დაიკვნესა მარგარეტმა.

— დღეს უკვე გვიანაა, — განსაჯა გვენდოლენმა, — რამდენი ხანია აქ ვლაპარაკობთ. იქნებ უკვე წავიდნენ კიდევ. პოლისმენი მაიკლსაც ალბათ დიდხანაა ძინავს.

— ეგეც სწორია, — ამოიხარა მარგარეტმა, — მხოლოდ, იცოდე, ბიჭებს არაფერი უთხრა.

— რას ამბობ, რას! — ხელები გაასავსავა გვენდოლენმა. — რომ ვუთხრათ, მაშინ ხომ ველარაფერს გაგივებთ.

— აბა, წავედი, — აჩქარდა მარგარეტი. — ბიჭები არ დაბრუნდნენ.

მეორე საღამოს, როგორც კი ენდი და ტომი ცკვებზე წავიდნენ, მარგარეტ სტივენსის ფანჯარასთან, საიდანაც ბებერ ჯოუნზის სახლი კარგად მოჩანდა, ორივე ქვრივი და მათ მიერ გაფრთხილებული მაიკლი შეგროვდნენ.

მართლაც, ყოველივე ეს უცნაურად გამოიყურებოდა. მაიკლი კარგად იცნობდა ამ ბიჭებს — ისინი სამეროს კანცულარიში მუშაობდნენ, ხანდახან მერის დაჯალბებით საკრამენტოში დადიოდნენ, ჩვეულებრივ კი ქალაქში იყვნენ და არაფრით არ განსხვავდებოდნენ მერისვილის სხვა მცხოვრებელთაგან. რა უნდოდათ იმ გამოჩნჩრეტებულ ბებერთან, რომლის ასაკიც არავინ იცოდა: ისეთი მოხუცებული იყო, თითქმის მარადი-

ულად ცხოვრობდა ქვეყნად. მერისვილში იცოდნენ, რომ მოხუცი სრულიად მარტო ცხოვრობდა კატასთან ერთად, რომელიც თავისი პატრონივით ბებერი და ბაიყუში იყო, საჭმელს ქვაბებიდან ჭამდა და მაგიდაზე მდგარ საპურში ეძინა.

რა ესაქმებოდა ორ ახალგაზრდა, ოც-ოცი წლის ბიჭებს ბებერ ჯოუნზთან, თანაც დამით და ფარულად?...

— ოღონდაც გამოვივადღეს რამე! — წაიჩურჩულა გვენდოლენმა.

პოლისმენმა კმაყოფილებით მოისრისა ხელები.

— ჩავაგლებთ კრავებს. როგორც კი სახლში შევლენ, ფესდაფეს მივყვები. სახლს მეორე გასასვლელი არა აქვს.

ძალიან დიდხანს ელოდნენ. უკვე მთლად დაბნელდა, ქუჩებში ფარნები აინთო. პოლისმენი სკამის ზურგს მიეყრდნო და ჩასთვლია. მგონი ესიზმრებოდა კიდევ რაღაც, რომ შემფთებულმა მარგარეტ სტივენსმა მუკლუგუნი წაქარა:

— შევიდნენ, შევიდნენ! გვენდოლენ უინჩი კი ციებიანივით ბუტბუტებდა:

-- ჩქარა, ჩქარა!

მაიკლი შეკრთა, თვალი დააჭყიტა და ფანჯრის მინას მიეკრა, დაინახა 26 ნომერში როგორ მიიხურა ფრთხილად კარი.

— რა მომენტი გამომეპარა! — ჩაილაპარაკა გულდაწყვიტულმა. — შევიდნენ?

ქვრივებმა ენერგიულად დააქინეს თავი. მაიკლმა ადგილზე დარჩენის ნიშანი მისცა.

ქუდი გაისწორა. მუნდირი ჩამოიქანა და მოხუც ჯოუნზის სახლისაკენ გაემართა. ქუჩა გადაჭრა. მივიდა და კარზე სამჯერ მავრად და გარკვევით დააკაკუნა. კარს იქით ფეხის ფრატუნე და ჯოუნზის ქრიალა ხმა მოისმა:

-- ვინაა, ამ შუალამით რომ დახეტება?

— კანონის ძალით გიბრძანებთ, გაალეთ!

— რა? — იკითხა მოხუცმა. კარი გააღო და მაიკლი თავითფეხებამდე აათვალისკრა ჩაათვალისკრა. — შენ რა, გაგივდი?

მაიკლმა შეხედა მის მოძგიძგივ თავს, ჭაღარა, გააუწულ თმას, გაქინილ ხალათს და გაუბედავად უთხრა:

— კანონის ძალით... ჰმ... თქვენი სახლი უნდა დავათვალისკრო.

— რამი დაჭირდა ჩემი სახლი? — იჭვით ჰკითხა მოხუცმა.

— მე მაქვს ცნობები, — დაიწყო მაიკლმა და ძეხვის სასიათი წაუხდა, — რომ თქვენ სახლში ორი ახალგაზრდა — ენდრიუს სტივენსი და ტომას უინჩი შემოვიდნენ.

— ცნობები? — გააგვიყვარა მისი და მაიკლს დაეხმარებოდა ჩაატყობდა, თითქოს ცდილობს გაიგოს რაშია საქმე. — შემოდი მაშინ, ნახე. ფეხი დაიწმინდე, — დაუმატა მკაცრად და გაერდუნე მიდგა, რომ შიგ შეეშვა.

პოლისმენმა გაიწმინდა ფეხი ძველ ტომარაზე, რომელიც ფარდაგის მოვალეობას ასრულებდა და მოხუცს უკან მიჰყვა. სახლში სამარისებური სიჩუმე იდგა, ნაიჭების ხმა ყრუდ გაისმოდა ცარიელ ოთახებში. პირველი ოთახი მთლად ცარიელი აღმოჩნდა, მეორეში ჩვერებადფარებული რკინის საწოლი, ორი გატეხილი საკამი და ფეხებმოღრეცილი მაგიდა იდგა. მაგიდაზე, საპურეში, გაჭყუცილი კატა თვლებშია. ფეხის ხმაზე კატამ თვალი გააღო და მაიკლს შეამჩნერა. ფანჯრები გულდაგულ ჩაეკმტ-ჩაეკრა-ზათ, ხოლო კედლებს ბზარის ნატამალიც კი არსად ემჩნეოდა. მაიკლი მიხვდა: აქ მოსვლა წმინდა წყლის სისუფლედ იყო.

— რა ქენი, ნახე რაზე? — დაინტერესდა მოხუცი.

მაიკლი დუმდა.

— მითა გამიდან აქა ვცხოვრობ, — განაგრძო ქალმა და პოლისმენს გამოძვლელად შეაცქერდა, — ასეთი რამ კი პირველად გავიგონე. ეს სახლი ჯერ კიდევ მამაჩემმა ააშენა, ცალყურა ბილმა, ოქროს ციგმცხელებიან დროს. ეპ, რამდენი ოქრო გვექონდა მაშინ!

მაიკლმა უხერხულად მოინაცვლა ფეხი. ცალყურა ბილის ისტორია მთელმა შერისილია იცოდა. მოხუც ჯოუნზისათვის ეს საცვარელი თემა გახლდათ და ორი საათი შეეძლო ამაზე ლაპარაკი.

— ესე იგი, სულ აქა ცხოვრობ, — სთქვა მაიკლმა, რომ მოხუცისათვის ამოჩემებული მოგონებანი შეეწყვეტინებინა.

— ისევ აქა ვცხოვრობ, — დაუდასტურა მოხუცმა, — სწორედ იმ დროიდან, როცა ცალყურა ბილმა...

— მერე და რითი ირჩინთ თავს? — ისევ შეაწყვეტინა მაიკლმა და საკუთარი თავისადმი ზიზღი იგრძნო.

— დანაზოვით, — დაიჭრიალა ქალმა. — აბა რითი უნდა ვირჩინდე?

— მთავრობა ხომ გაძლევთ დახმარებას, — ფრთხილად შენიშნა მაიკლმა.

ქალმა სწრაფი შურა ესროლა და თვალეში ბოროტი, მოლურჯო სხივები გაუკაფდა.

— იმ დახმარებით, რომელსაც მთავრობა მაძლევს, ჩემი კატა ცხოვრობს, — ჩაისისინა მან, — დახმარება მართლ მაგასა ჰყოფნის, — და გამხმარი მწვანე თითი კატისკენ გაიშვირა.

მაიკლმა თავი მიიბრუნა. კატა საპურეში იწვა და უძრავი მომრუსხველი თვალეებით შესცქეროდა. მასაც ისეთივე მოლურჯო სხივები ენთო თვალეში. მაიკლი ცოტა არ იყოს შეცბა.

— კარგი, — სთქვა მაიკლმა შემოვებლური კილოთი, — ჩემზე ნაწყენი ნუ დარჩებით, სამსახურში ყველაფერი ხდება. — ორი თითი ქუდზე მიიღო. გამოსვლისას ფეხი ძველ ტომარას წა-

მოჰკრა და ქერივებს გულშიერთი ლაზათიანად შეუკურთხა.

მაიკლს სახლში ფეხიც არ ჰქონდა შედგმული, რომ ქერივები მივადრენენ.

— რა! — წამოიძახეს ერთხმად.

— ბებერმა მითხრა გავიფიქრებოდა, — გაყინული ხმით თქვა მაიკლმა, — მაგრამ, ალბათ, თქვენა ხართ ორივე გავიფიქრებული. არავინაც არ არის იმასთან.

— როგორ თუ არ არის! — წამოიძახა გვენდოლენ უინჩმა.

— როგორ თუ არ არის! — ბანი მისცა მარგარეტმა. — ჩვენ თვითონ დაინახეთ!

— აბა, რა, ჩვენ თვითონ დაინახეთ, — გაიმეორა გვენდოლენმა.

— შე თქვენ გელაპარაკებით, არავინ არ არის, და არც შეიძლება იყოს, — მოუჭრა მაიკლმა. — ორი ცარიელი ოთახი და ყველაფერი ჩაკეტილი. გასაგებია? ფუტ, ვინც თქვენ კიდევ დაგიჯეროთ! — ჩაიქინა ხელი და ისე წავიდა, არც კი გამომშვიდობებია.

ქერივებმა დაბნეულად გადახედეს ერთმანეთს, მაგრამ გადაწყვეტიტეს ეს საქმე ასე არ დაეტოვებინათ. მომდევნო კვირის განმავლობაში გულდაგულ აღევნებდნენ თვალს. მაგრამ, მიუხედავად იმისა, რომ მათი შვილები კვლავინდებურად ღამის ორ-სამ საათამდის სახლში არ ბრუნდებოდნენ, 26 ნომრის კარი მეტად აღარ გაღებულა, მოხუც ჯოუნზის სახლში აღარავინ შესულა.

კვირის ბოლოს კი ქერივ სტივენსთან განრიხებული გვენდოლენ უინჩი შემოვიარდა.

— სულ შენი ბრალია! — დაიწყო ყვირილი,

— ვერ უყურებ, რეები მოიგონა. ტომი, ჩემი შვილი ბებერ ჯოუნზთან დადის ვითომ! იქ არა, ბატონ მორლოუსთან დადის! თვით ბატონ მორლოუსთან! მთელმა მერისვილმა იცის, რომ ჩემი ტომი ბატონ მორლოუსთან დადის!

მარგარეტ სტივენსი გამტყუებული მსცეპროდა ქერივ უინჩს. ბატონი მორლოუს, მერისვილს მერი, ყველაზე საპატიო კაცი იყო. უმწიკვლო სახელი ჰქონდა და ყველას როდი ერგებოდა ბედნიერება მერს სახლში სწევოდა.

რაც არ უნდა ეთქვათ, ბატონ მორლოუს რესპექტაბელობა ყველას მიერ უდაოდ აღიარებული იყო. და თუმცა ქერივები მისგან ორი ქუჩის მოშორებით ცხოვრობდნენ, მანძილი ყოველთვის ისე დიდი ეჩვენებოდათ, როგორც მთვარემდის და თითქმის მეტყიც, რადგანაც მთვარეზე მოსვედრის რაღაც იმედი მაინც არსებობს, ყოველ შემთხვევაში, ასე სწერენ გაზეთები... ბატონ მორლოუს სახლში მოხვედრა კი შეუძლებელი იყო.

— მოიცა, გვენ, — სთქვა ბოლოს მარგარეტმა, — ნუ ხმაურობ. შეიძლება შენი ტომი ახლა კი დადის ბატონ მორლოუსთან, მაგრამ ბებერ ჯოუნზის ამბავი, ხომ მე და შენ საკუთარი თვალითა ვნახეთ...

გვენდოლენი მოულოდნელად ჩაჩუმდა, უკმაყოფილოდ ჩაიბურტყუნა:

— ვნახეთ, ვნახეთ... იქნება, ჯადოჭრობა იყო? პოლისმენ მაიკლს აკი არაფერი უნახავს!

— მან დაინახა, როგორ მიიკეტა კარი, — ჯიუტად გაიმეორა მარგარეტმა.

— მერე რა? იქნებ, თვითონ ბებერი ჯოუნზი იყო გარეთ გამოსული. არ შეიძლება გარეთ გამოვიდეს?!





მიდიოდა და აინუნშიაც არ აგდებდა გამგლო-
თა გაცემულ მზერასა და ჩურჩულს ასე მი-
ვიდა იგი ცენტრალურ მოედანამდის, სადაც პო-
ლისმენი მაიკლი უსაქმურობისა და მოწყვეტილ-
ობისაგან იტანჯებოდა. მაიკლმა ცნობისმრეკარე
სახით გახედა მოხუცს „საინტერესოა, საბოლოო-
ემურება?“ გაიფიქრა მან, მაგრამ მაშინვე მიხე-
და, რომ მოხუცი მისკენ მიემართებოდა.

— ყური მიგდე, შვილო, — თქვა მოხუცმა
და ტუჩები მკაცრად მოკუმა. — ჩემთან წამო-
დი. რაღაცა უნდა მოგიყვებ.

მის მზერასა და ხმაში პოლისმენმა ისეთი
რამ იგრძნო, რამაც აიძულა უსიტყვოდ უკან
გაპყლოდა.

ქალმა იგი მეორე ოთახში გაიყვანა, რომელიც
კვლავინდებურად ცარიელი იყო.

— დაჯექი, შვილო, — უთხრა მოხუცმა და
სკამი მიუწია. მაიკლი მორჩილად დაჯდა, ქალი
ფეხზე იდგა და თავს აკანტურებდა, ორივე
ხელით ჯოხზე დაყრდნობილი.

— ამ სახლში მკვლევობა მოხდა, შვილო.

მაიკლმა ყურები ცქვიტა, მაგრამ თვალებში
უნდობლობამ გაუელვა.

— იმათ ჩემი კატა მოკლეს, — განაგრძობ-
და მოხუცი და პოლისმენს თვლით ბურღავდა

მაიკლმა ხმაშაღლა ამოიხვნეშა და სკამის
ზურგს მიეყრდნო. აი, თურმე რა მკვლევობაზე
ყოფილა ლაპარაკი! სწრაფად მოავლო მაგიდას
თვალი, საპურე ცარიელი იყო. მხოლოდ ახლა
მიხვდა რას ნიშნავდა სამგლოვართო კრები მო-
ხუცის ქუდზე. გულში ერთი მაგრად შეუკურ-
თა საკუთარ თავს, ნამდვილი იდიოტის მეტი
აქ ვინ მოვიდოდა მეორედ, და უწყინარი მი-
ზერის მოგონებას შეუდგა, რომ აქედან გასუ-
ლიყო.

— მათ მოკლეს ჩემი კატა, — მკაცრად გაი-
მეორა მოხუცმა, — და მე სიტყვა მივეცი ჩემ
თავს, რომ მთელ ბახდას დამსახურებისამებრ
მიეზღოს. — ტუჩები აცმაცუნა, — ეს სახლი,
შვილო, აქ უხსოვარი დროიდან დგას, იგი მა-
მარეშმა ააშენა, ცალყურა ბილმა, როცა ჩვენ
ქვეყანაში ოქროს ციებ-ცხელება იყო. აი, სწო-
რედ ამ ალაგას ცალყურა ბილმა ოქროს მიაგნო.
ეკ, რამდენი ოქრო იშოვა მაშინ...

პოლისმენმა ძაბავით დაამთქნარა. დაიწყო
ახლა გაუთავებელი სიმღერა ცალყურა ბილზე.
მას კი ვერაფერი ვერ მოუფიქრებია, რომ ადგეს
და წავიდეს, უნდა იჯდეს და ამ გამოთავყანე-
ბული ბებრის ჩერჩეტს უსმინოს. ქალის ხმა
თითქოს შორიდან, საიჭიოდან მოესმოდა, მაგ-
რამ უცბად ყური სცქვიტა.

— გვირავი, — განაგრძობდა მოხუცი, —
ცარიელი გვირავი. მაშინ არ ამოვავსეთ. გვირავი
პირდაპირ მისტერ მორლოუს სახლთან მი-
დის...

მაიკლმა წინ წაიწია.

— შენ ამბობ, — სთქვა მან, — რომ გვირავი
რომელშიც ცალყურა ბილი ოქროს ეძებდა,
ბატონ მორლოუს სახლთან მიდის?

— აბა რა! — თავი დაუქნია ქალმა. — აქე-
დან სულ ორი ქუჩის შემდეგაა. მე ვერაფერს
ვერ გავიგებდი, ოქრო რომ არ მქონოდა იქ და-
მალული. ჩავიდი და ვიფიქრე, მოდი ვნახავ,

— შენ ხომ დანახე თვითონ...

— არაფერიც არ დამინახავს! — აფეთქდა
გვენდოლენი, — და არც ვიცი რამე მხოლოდ
ის ვიცი, რომ ჩემი ტომი ბატონ მორლოუს
სახლში დადის, მორჩა და გათავდა! შენი კი სა-
ხელის გაგონებაც არა მსურს. — შემობრუნდა და
ღირსეული სახით დასტოვა მარგარეტ სტივენსის
სახლი.

ეს იყო მათი მრავალი წლის მეგობრობის და-
სასრულის დასაწყისი.

მეგობრობის დასასრული კი რამდენიმე დღის
შემდეგ დადგა. მარგარეტ სტივენსი ქვრივ უინჩს
შეხვდა და გესლიანად განუცხადა, რომ მისი
შვილი ენდიც დადის ბატონ მორლოუსთან სახ-
ლში, და არც მას სურს გვენდოლენ უინჩის ცნო-
ბა; ახლა მას სულ სხვა წრე ჰყავს. სიმართლე
რომ ითქვას, მარგარეტ სტივენსმა ცოტა არ
იყოს შეცოდა ტეშმარიტების წინაშე. ბატონ
მორლოუსთან თვითონ არც ერთხელ არ იყო

ნამყოფი, ისევე როგორც, სხვათაშორის, ქვრივი
გვენდოლენ უინჩი. ბატონ მორლოუს კეთილგან-
წყობა მხოლოდ მათმა ვაჟიშვილებმა დაიშა-
ხურეს.

ამრიგად, ბატონ მორლოუს კეთილგანწყობის
შუქში სხივი გაუკრთა ორი ქვრივის მეგობრობის
სანთელს: ასე კრებიდან ვარსკვლავები გზის
ამოსვლის ვაშს.

მთელი თვე მერისველში ეს ჩხუბი ჰქონდათ
სალაპარაკოდ. ხოლო, როცა ლაპარაკმა მიჩუ-
მება იწყო, ქალაქის მცხოვრებთ ახალი უჩვეუ-
ლო სანახაობა წარმოუდგათ: მთელი ქალაქის
გასწვრივ თავის კანტურიითა და ხელში ჯოხით
მოხუცი ჯოუნზი მიბრძანდებოდა. შევებში იყო
ჩაცმული, ღრმა გლოვის ნიშნად ქუდზეც შავი
კრები შემოეხვია.

მოხუცი ჯოუნზი საბაყლო ფარდულს არ გას-
ცილებოდა თავის სიცოცხლეში. ახლა კი მდუმარ-
ე, საზეიმო სახით მთელი ქალაქის გასწვრივ

საით მიდის მეთქი-გვირაბი. მივდივარ და მივდივარ. უცბათ ზემოდან ხმა ჩამომესმა. ბატონი მორლოუ მაშინვე ვიციანი, კიდევ ვიღაც ბიჭების ხმა მომესმა. პოდა, გაეფიქრე კონტრაბანდაზე და ნარკოტიკებზე ლაპარაკობდნენ. ბატონი მორლოუ კი ეუბნება: ჩემთან გამოჩენა საშიშია. ფრისკოდან კონტრაბანდა რომ დააქვს, იმ ბიჭმა გაშაფრთხილაო...

— ქალო, ჭკუა ხომ არ დაგიკარგავს, — მკაცრად შეაწყვეტინა მაიკლმა, — ჩვენი მერი მორლოუ და კონტრაბანდა? როგორ შეიძლება ასეთი რამ?

მოსუცმა ჯოუნზმა ბოროტად ჩაიციანა.

— გაიგე, რასაც გეუბნები. დგასარ ზარმაც კატასავით იმ შენ მოუდარსე და არაფერი არ იცი...

— კარგი, — შეაწყვეტინა მაიკლმა. — მაშინ ფრისკოდან აქ რატომ ჩამოჰქონდათ კონტრაბანდა?

— როგორ თუ რატომ? — სერიოზული ტონით სთქვა მოსუცმა. — გეტყობა, ტვინის განძრევა გიჭირს. ამას იმიტომ აკეთებენ, რომ კვალი ააბნეონ. აქედან კი ტვირთს საკრამენტოში აგზავნიან...

მაიკლი უსმენდა და სჯეროდა კიდევ და არცა სჯეროდა, ისე დაიბნა. ყოველივე ეს სიზმარს წააგავდა.

— პოდა, ვიფიქრე, — განაგრძობდა მოსუცი ჯოუნზი, — მოდი, შევთავაზებ ბატონ მორლოუს ჩემი სახლიდან იაროს-მეთქი. ამაზე შეიძლება კაცს ფული გაეგეთუბინა და ბატონმა მორლოუმაც ხუთასი დოლარი მომცა, მერე კი ორას-ორას დოლარს მაძლევდა თვეში. მაშინვე მოვირედიე ერთმანეთში.

მოსუცმა უცბად ეშმაკურად ჩაიციანა.

— გახსოვს, ჩემთან რომ მოხვედი, შვილო? ბიჭები მართლა შემოვიდნენ ჩემთან, ყოველთვის დადიოდნენ ბატონ მორლოუსთან. მხოლოდ შენ რომ მოხვედი, გაგასწრეს. აბა, აქეთ წამოდი, შვილო.

შემოსასვლელში გაიყვანა და ძველი ტომარა გადასწია, რომელიც ფარდაგის მავიკრობას სწევდა.

— აბა, ეს საძვრენი ახსენი, — ისევ ჩაიციანა ქაღმა.

მაიკლი დაიხარა და რგოლი მოსწია. იატაკის ოთხკუთხა ნაჭერი მსუბუქად და უხმაუროდ აიწია.

შავად დაეღო ხასა სარდაფს. მაიკლმა ხის კიბის საფეხურები შენიშნა, რომელიც ხერხელში იკარგებოდა.

— გამომეყ, — უთხრა მოსუცმა ჯოუნზმა. სანთელი აანთო და ქვემოთ დაეშვა. — ყველაფერი იმათ შეაკეთეს, ხედავ, ახალი ბიჭები დააყენეს. მხოლოდ მას შემდეგ, რაც შენ ჩემთან იყავი, იშვიათად მოდიან. ბატონ მორლოუს მე ვუთხარი, ვიღაცამ ჩემ სახლზე რაღაცა იყენოსამეთქი.

ქალი სულ უფრო და უფრო ქვევით ეშვებოდა, მერე ვიწრო დერეფანში გავიდა. გვირაბში სინოტივოსა და სიღამპლის სუნი და სამარისებური სიჩუმე იყო. შუაგზაზე მოხუცი მოულოდნელად შეჩერდა და ორ მუქ ჭკაზე მიუთითა:

— აი, აქ დავმარხე ჩემი კატა. — თავი მწუსარედ გადაიქინა, — ახლა აქ ორი საფლავი იქნება. მე ისინი გვერდოვრედ დავმარხე.

— ვინ „ისინი“? — გაშტერდა მაიკლი და უცბად მოეჩვენა, რომ ჭკუაზე ცდებდა.

— როგორ თუ ვინ? — გაჯავრდა მოხუცი. ჩემი კატა და ბატონი მორლოუ.

— რა შუაშია აქ ბატონო მორლოუ? — ჰკითხა გამოლენჩებულმა მაიკლმა.

— შენ მართლა გიჭირს ტვინის განძრევა, შვილო, — სინანულით თქვა მოსუცმა. — აკი გითხარი, აქ მკვლელობა მოხდა-მეთქი. როცა ბატონმა მორლოუმ ბიჭებს უთხრა ეს გასაცვლელი პოლიციამ იყნოსა და თამაშ ბოლო უნდა მოეუღოთო, ბიჭებმა — ენდი სტივენსმა და

ტომ უინჩმა — უკანასკნელი მოგება წაართვეს, თვითონ კი მოკლეს და გვირაბში ჩაადგეს! ჩემმა კატამ იგრძნო რაღაცა ავი, მთელი მუცლა ჩხაველით გააყრუა. პოდა, როცა გვირაბიდან ამოვიდნენ, კატაც მოკლეს, სწინაზე რომ ყოფილიყო, — მოხუცმა სანთელი ზვეით ასწია. ხელი უთრთოდა, გვირაბის კედლებზე ფანტასტურმა ჩრდილებმა დაიწყეს ლიცილიცი. სამგლოვიარო კრები მწუსარედ გადმოფენოდა ქუდზე.

— კატისათვის რომ ხელი არ ესლოთ, შენ ვერაფერსაც ვერ გაიგებდი, — ამოხსრა მან.

— კი მაგრამ, როგორ გამოიარეთ ასე თამამად მთელი ქალაქი, სანამ ჩემამდის მოხვიდოდით? — უთხრა მაიკლმა და სერიოზული სახე მიიღო. — ახლა მთელმა მერისვილმა იცის, რომ მე აქა ვარ.

— შენ რა, სულელი ხომ არ გგონივარ? — იწყინა მოსუცმა. — ენდი სტივენსი და ტომ უინჩი საკრამენტოში წავიდნენ საქეიფოდ.



შეთი ფიქრის მასაიდუმალა

ფოტო ი. კილურაძის



ა. კალანდაძე (მარჯვნივ), ხაქართველიოს ხსრ სკოლის დამხმარებელი მასწავლებლები: ა. კილახინია (მარცხნივ) და ე. თავართქილაძე.

ოცდახუთი წელია მასწავლებლობს. ოცდახუთჯერ გაიხურეს სკოლის კარი მისმა აღზრდილებმა და დატოვეს მათთან დაშორების სინანული. მერე სიხარული მოდიოდა: წასულების ადგილს ახლები იკავებდნენ და მასწავლებელი დარდს ივიწყებდა. გულში რჩებოდა თბილი მოგონება და წასულებთან შეხვედრის მოლოდინი.

„ჩემს ძვირფას მასწავლებელს, უახლოეს მეგობარს, ჩემი ფიქრისა და აზრის ყველაზე დიდ მესაიდუმლეს, ადამიანს, რომელმაც ყველაზე უკეთ იცოდა რითი ვარსებობდი და რითი ვსუნთქავდი მე. ქალბატონ ანიკოს“.

რა თქმა უნდა, ყველა აღმზრდელს ესამოგონე-

ბა, როცა მას ნამოწაფარი ასეთ სიტყვებს მიუძღვნის, მაგრამ წარმოიდგინეთ სიხარული იმ პედაგოგისა, რომელსაც ეს სიტყვები წაუწერეს საქვეყნოდ განთქმულ წიგნზე — „მე ვხედავ მზეს“. „მისი უნიჭო და უდისციპლინო მოსწავლისაგან“. ნოდარ დუმბაძეს არც აქ ლალატობს იუმორის გრძნობა!

ვისაც მისი მოწაფეობის წლები ასოსეს, დიმილით იგონებს შავთვალეუბა, მეოცნებე, ბეჯით გოგონას, უზომოდ შეყვარებულს თავის სოფელზე.

მისი სოფელი ხიდისთავია, შუაზე რომ მდინა-

რე გუბაზოული ჩაუდის ზმურითა და ფაციფუცით.

„პედაგოგი უნდა დაიბადოს ისე, როგორც იბადებიან პოეტები, მხატვრები...“ ხშირად გაიგონებთ ამ სიტყვებს ადამიანებისაგან, რომელთაც უშუალო ურთიერთობა აქვთ მასწავლებლებთან.

ანიკო სწორედ ერთი იმათგანია, რომლებიც მართლა რომ პედაგოგებად დაბადებულან.

დიდი ხანია ანიკო კალანდაძე ჩოხატაურის რაიონის სოფელ ხიდისთავის საშუალო სკოლის დირექტორია, ამ სკოლის მჩქეფარე, ხმაურიანი ცხოვრება მისი სიცოცხლის ნაწილია.

სკოლის ორსართულიანი კოხტა შენობა სილამაზეს მატებს სოფელს. სახელოსნოები, სხვადასხვა კაბინეტები, სპორტული დარბაზი — ყველაფერია ამ კეთილმოწყობილ სკოლაში. მის აგებასა და ინვენტარის შექმნაში კოლმეურნეობის წვლილიც არის.

...როცა ანიკო საღამოთი მარტო დარჩება და

კორეოგრაფიული წრის წევრები



წარსულს თვალს გადაავლებს, უკვირს როდის გავიდა ამდენი დრო — მეოთხედი საუკუნე. თითქოს გუშინ იყო სკოლის კარი რომ შეაღო გაუბედავად, მაგრამ გულში მტკიცე რწმენით — მთელი ცხოვრება ბავშვებისათვის მოხმარებინა. „ბავშვები“ — ელიმება ანიკოს. მაშინდელი ბავშვები ასლა მწერლები, მეცნიერები, შრომის გმირები არიან...

„დღეს ბავშვებს სწავლისა და ცხოვრების უკეთესი პირობები აქვთ, ისინი თავიანთ წინამორბედებზე უკეთესები უნდა გაიზარდონ“, — ფიქრობს ანიკო.

ხიდისთავის საშუალო სკოლა ერთერთი თითოთი საჩვენებელია მთელ რესპუბლიკაში პოლიტექნიკური სწავლებით.

სკოლას აქვს საკუთარი საცდელი ნაკვეთი, სადაც მოსწავლეები იძენენ შრომის პრაქტიკულ ჩვევებს. მისმა მოსწავლეებმა გასულ წელს 12 ათას მეტრ ნაკვეთზე ორმოცდაათ ტონაზე მეტი ჩაის ფოთოლი მოკრიფეს და ჩააბარეს სახელმწიფოს.

მნახველი არც კი დაიჯერებს, რომ ნაყოფით დახუნძლული ეს ხეხილი ატამი, ვაშლი, მსხალი, ყურძნის მწკრივები მოსწავლეთა „შემოქმედება“...

შემოსავალი მთლიანად სკოლის კეთილმოწყობასა და სასკოლო ხარჯებს ხმარდება.

მეოჯახეობაც ხომ უნდა იცოდენ მომავალმა დიასახლისებმა?! ჰოდა, ანიკომ მათ სარეცხის მანქანა, მტკვრასარუტი, საკერავე მანქანა შეუძინა.

ხიდისთავის საშუალო სკოლა 1955, 1956, 1957 წლებში საკავშირო სასოფლო-სამეურნეო გამოფენის მონაწილე გახლდათ; გამოფენას ხიდისთავის საშუალო სკოლის გურული კოლორიტით გაფორმებული სტენდიც ამშვენებდა... გამოფენაში წარმატებით მონაწილეობისათვის სკოლა მედლით დააჯილდოვეს.

მართალი, გულწრფელი, ერთი საქმისათვის თავდადებული 35-კაციანი კოლექტივი მუშაობს ხიდისთავის საშუალო სკოლაში. მათ რიგებს ამშვენებენ დამსახურებული პედაგოგები: აგნესა კილასონია და კასიანე თავართქილაძე.

ამ კოლექტივის პარმონიულობის მიზეზიც ანიკოა. იგი მუდამ გვერდში უდგას თითოეულს ჭირსა თუ ლხინში, მათი პირველი მრჩეველი და თანამოაზრეა.

სკოლის გარეთაც აღწევს ანიკოს გულის სითბო. ხიდისთაველები ანიკოს აზრს ანგარიშს უწყევენ, ამაყოფენ ამაგდარი, წლების სიბრძნით დამძიმებული სკოლის დირექტორით.

შრომაში სწრაფად გარბის დრო, თვალის დახამხამებაში ვაჭკაცდებიან ბავშვები, მაგრამ თავიანთი მასწავლებლის წინაშე მაინც მორიდებით ხრიან თავს, მის ავტორიტეტულ სიტყვას კანონად იხდიან.

ბედნიერია ადამიანი, რომელსაც მიუხედავად განვლილი სიძნელეებისა, უკან მოხედვის არ ეშინია, იგი წინაც თამამად იყურება, თვალს ვერ აწუდენს გზის დასალიერს.

ჩაის პლანტაციაში



პოინერული რაზმეულის საბჭოს სხდომა



ნორჩი ნატურალისტები



ქართული ტატარა

სწორი, გამართული მეტყველების განვითარება ბავშობის ასაკიდანვე მოითხოვს დიდ ყურადღებას. მეტყველების მცირე ნაკლიც კი ზოგჯერ ხდება მიზეზი ბავშვსა და გარემოს შორის არანორმალური ურთიერთობისა, რაც უარყოფითად მოქმედებს ბავშვის ნერვულ სისტემაზე, მისი პიროვნების ჩამოყალიბებაზე.

ამ მეტად სათუთ საქმეს ემსახურება ლოგოპედია.

საქართველოში საბჭოთა ხელისუფლების დამყარებამდე ლოგოპედია, როგორც ცალკე დარგი, არ იყო ცნობილი. ბავშვები, რომლებსაც მოშლილი ჰქონდათ მეტყველება, რჩებოდნენ ყოველგვარი ლოგოპედიური დახმარების გარეშე ან მკურნალობდნენ ჩვეულებრივი საექიმო მეთოდებით, რა თქმა უნდა, უშედეგოდ. ოცდაათიანი წლებიდან იწყება ჩვენში ლოგოპედიის განვითარება.

საქართველოში ლოგოპედიური მუშაობა პირველად პედაგოგიურ მეცნიერებათა კანდიდატმა ანასტასია ალექსანდრეს ასულმა კაიშაურმა დაიწყო. შემდეგ მას გვერდში ამოუდგა აწ განსვენებული ნინო გიორგის ასული არამბაძე. მათი პრაქტიკული და მეცნიერული მუშაობა სწარმოებდა პროფესორ გიორგი ახვლედიანის ხელმძღვანელობით ფუნქციონალურ ნერვულ დაავადებათა ინსტიტუტის ბაზაზე, რომელსაც განაგებდა აწ განსვენებული პროფესორი ა. გოცირიძე.

საქართველოში ლოგოპედიის განვითარებასთან მჭიდროდ არის დაკავშირებული ტატარანა კონსტანტინეს ასულ უგულავას სახელი, რომელსაც პატარა პაციენტები სიყვარულით „დეიდა ტატას“ ეძახიან. ლოგოპედიის განვითარების გაირიჟაფზე იგი, ახალგაზრდა ფსიქოლოგი, შეუდგა ამ მეტად პასუხსაგები და შრომატევადი დარგის შესწავლას ფუნქციონალურ ნერვულ დაავადებათა ინსტიტუტში.

მისთვის ჩვეული ენერჯით, საქმისადმი სიყვარულით და უაღრესი პასუხისმგებლობით ეწევა ტატარანა უგულავა სამი ათეული წლის მანძილზე მოღვაწეობას ლოგოპედიაში.

1940 წელს ტატარანა უგულავას ხელმძღვანელობით ქუთაისში დაარსდა ლოგოპედიური კაბინეტი. მაშინ ეს ერთადერთი იყო მთელ დასავლეთ საქართველოში. უმრავლესობამ არც კი იცოდა მისი მნიშვნელობა, ავადმყოფი თუ კარგადმყოფი გაოცებული უყურებდა ქალაქის ფსიქონერვოლოგიურ დისპანსერში სარკით, სათამაშოებით და

საბავშვო წიგნებით მორთულ ოთახს. მაგრამ რა დიდი იყო სისარული და მაღლობის გრძობა, როცა სათანადო ლოგოპედიური მკურნალობის ჩატარების შემდეგ (ლოგოპედიური მკურნალობა თვეობით და ზოგჯერ წლებით გრძელდება) ამეტყველებული მოზარდები და ბავშვები ამაყად და საკუთარ თავში დარწმუნებულნი სტოვებდნენ ლოგოპედის კაბინეტს. მართო კაბინეტის ფარგლებში არ ხდებოდა მუშაობა. ტატარანა უგულავა სისტემატურად ატარებდა ლექცია-საუბრებს საექიმო საზოგადოებაში, სკოლებში, პედაგოგებთან, მშობლებთან. ამის შედეგად მრავალ მეტყველებამოშლილ ბავშვს დროულად ჩაუტარდა სათანადო ლოგოპედიური დახმარება და ისინი სწორი მეტყველებით დაუბრუნდნენ კოლექტივს.

ბევრ მათგანს აღარც კი ახსოვს ბავშვობის ეს მძიმე ნაკლი. მაგალითად, დათო გ. ამჟამად 20 წლის სტუდენტი, 3 წლის ასაკში მძიმე ენაბლობობის გამო დედამ ლოგოპედთან მიიყვანა. მთელი წლის გულმოდგინე შრომა გამარჯვებით დაგვირგინდა. პატარა დათო თავისი ტოლებივით აჭიკჭიკდა და მას შემდეგ, როგორც დათოს დედა გადმოგვცემს, ერთხელაც არ წაუბორძიკებია.

მაგრამ თამარ მ-ს არასოდეს დაავიწყდება მომწიფების ასაკში განვლილი 5 წლის ტარჯვა, როდესაც ქერაში გამოსულს უბნის ბავშვები სულით ავადმყოფად სთვლიდნენ და ემალებოდნენ. ბედნიერმა შემთხვევამ იგი ლოგოპედთან მიიყვანა. სათანადო ლოგოპედიური ჩარევის შემდეგ იგი ჩვეულებრივ ამეტყველებული ჩაება ყოველდღიურ ცხოვრებაში, მიიღო უმაღლესი განათ-

ლება და ამჟამად მუშაობს ქუთაისის ერთერთ დაწესებულებაში.


სამამულო ომის წლებში ტატარანა უგულავა მაღალკვალიფიციურ დახმარებას უწევდა ქუთაისის ევაკოპოსიტლებში დატანულად თავმოყრილ მეომრებს, რომელთაც კონტრუზიის შედეგად მეტყველება ჰქონდათ მოშლილი.

1952 წლიდან ტატარანა უგულავა თბილისშია, მუშაობს პედიატრიის სამეცნიერო-კვლევით ინსტიტუტში. იგი ითვლება რესპუბლიკის მთავარ ლოგოპედად, ხელმძღვანელობს ლოგოპედთა კადრების მომზადებისა და კვალიფიკაციის ამაღლების საქმეს. მას მუდმივი კავშირი აქვს საბჭოთა კავშირის ყველა წამყვან ლოგოპედიურ დაწესებულებასთან, აქტიურ მონაწილეობას იღებს მეტყველების მოშლის საკითხებზე ჩატარებულ კონფერენციებსა და სემინარებში, მისთვის ჩვეული თავმდაბლობით და პასუხისმგებლობით აცნობს ქართული ლოგოპედიის მიღწევებს საკავშირო ლოგოპედთა საზოგადოებას, აქ კი ჩამოაქვს ახალი მიღწევები და ფართოდ ნერგავს ქართველ ლოგოპედთა შორის.

ტატარანა უგულავა არის ყრუ-მუნჯთა სკოლებისათვის რამოდენიმე ლოგოპედიური სახელმძღვანელოს ავტორი და თანაავტორი.

„დეიდა ტატას“ სამუშაო ოთახი მუდამ სავსეა პატარა პაციენტებით. მათ არ აზნიებს მისი, თეთრი ხალათი. სიყვარულით სავსე თვალებით შესცქერავენ ერთმანეთს მკურნალი და ავადმყოფები სასურველი შედეგების მოლოდინში.

ნინო ნადირაძე





ა. ახვლედიანი

ვინც გვალეკავს



ქუჩაში მოდიან ორნი, ორი სხვადასხვა წლოვანების ქალი: თექვსმეტი წლის გოგონა და ოცდათექვსმეტი წლის ქალი. ვერ ვიტყვით, გოგონა ლამაზია, ვერც იმას ვფიქვრებთ, ულამაზოა: თვალები უელავს, თმა უზუნინავს, ლოყები ატმისფრად აქვს ატკეცილი. ტანზე უბრალო ჩითის კაბა აცვია, ისე კეკლუცად მოაფრიალებს, გველზეა რომელიმე გამორჩენილი ხელსნის ნახელავი იყოს. გოგონა თექვსმეტი წლისაა, მას ყველაფერი უხდება...

ოცდათექვსმეტი წლის ქალზე გამველელები ფიქრით ვრთხმად აღიარებენ, რომ ის ლამაზია: მღალი, თხელი, ჩამოსხმული ტანფხვი, მწვანე თვალები. აცვია გემოვნებით შეკერილი საზაფხულო კოსტუმი, ასევე გემოვნებით შერჩეული აქსესუარებით. ის ალამაზებს ქუჩას, ქუჩა ალამაზებს მას, და ქალი, დარწმუნებული თავის გარეგნობაში, ამაყად, თავაწეული მოდის. ვცადოთ, და უცებ, გონების თვალთ ჩამოვაცილოთ ქალს ეს მოხდენილი ჩაცმულობა, კოსმეტიკა. დარჩება ისევ ისეთი ლამაზი, ახლა რომ ვხედავთ? გააყოლებენ მზერას გამველელები?

თუმცა, ეს რაღა დაჟინებაა? განა არ ჯობს, გავყვით ოცდათექვსმეტი წლის ქალს, გავყვით და ვნახოთ ისინი, ვინც მას ამწვენიერებენ...

ქალი მოდების ატალიეშია...

ამ ოცდაშვიდი წლის წინათ, ლენინგრადში ქართული ხელოვნების პირველ დეკადაზე, როცა თეატრში ფარდა აიხდა და სცენაზე თუთრ

სამოსში გამოწყობილი ხალხური სიმღერისა და ცეკვის ანსამბლის შემსრულებლები გამოჩნდნენ, ალტაცებულმა მაყურებელმა მათ ოვაციები გაუმართა, ხოლო ცნობილმა ბალერინამ გალინა ულანოვამ ვეღარ მოითმინა და წამოიძახა: „ვინ იცის, რამდენი მსატყარი მუშაობდა ამ სამოსის შესაქმნელად!“ ალბათ, გაციდა ულანოვა, როცა უთხრეს — ეს მხოლოდ ერთი მეკრავის, საშა ახვლედიანის შემოქმედებააო.

ასევე ტაშით აჯილდოვებდნენ ქართველ სპორტსმენთა სამოსის ფიზკულტურულთა საკავშირო პარადზე: ვაჟებს ეცვათ ქულაჯები, ქალებს — პაეროვანი კაბები. ამ კოსტუმების შექმნას საშა ახვლედიანმა მოახმარა მთელი თავისი ოსტატობა და გემოვნება. ეს იყო მისი დიდი გამარჯვება და აქედან გაითქვა სახელი, როგორც კერვის შესანიშნავმა ოსტატმა.

მაყურებელს ჯერაც არ ავიწყდება დავით ჯავრიშვილის მოცეკვავეთა ანსამბლი. სცენაზე შეე ნაბდეში გამოწყობილი მამაკაცები გამოჩნდნენ. უცებ ნაბდეები გადაიწია, ქალიშვილები გამოიშალნენ და მთელი სცენა თითქოს ცქცხლმა მოიცვა. მოცეკვავეები იმდენად პაეროვანი და ნარნარნი ჩანდნენ ალისფერ კაბებში, ვარსკვლავებივით მოციმციმე თხელ შარფებში, რომ დარბაზში დიდხანს ქუხდა ტაში. ეს კოსტუმების ავტორს აჯილდოვებდნენ.

ბევრი სახლგარეეთელი სტუმარი მოხიბლულა საშა ახვლედიანის ხელოვნებით, ბევრმა ჩაიცვა და მოიროგო კიდევ მისი ნახელავი. მათ შორის იყვნენ აწ განსვენებულის, ინდოეთის პრემიერ-მინისტრის ნერუს ქალიშვილი — ინდირა განდი, ბელგიის დედოფალი ელისაბედი, ავღანეთის მეფე და დედოფალი და სხვები.

მრავალჯერ შემოსა საშამ ჩვენი გამოჩენილი მსახიობები: ვერიკო ანჯაფარიძე, ნინო რამი-

შვილი, ლილი გვარამაძე. და ალბათ, ბევრს ახსოვს ნატო ვანაძის მარწყვისფერით გაწყობილი ნაცრისფერი კაბა, საოცრად რომ შევინოდა ჩვენს კინოფარსკვლავს.

ხელოვანიცაა და მკერავიც. ვინ მოთვლის რამდენი კაბა, რამდენი პალტო შეუკერავს საშა ახვლედიანის მარჯვენას. შეუკერავს თუ შეუქმნია?

ყველას როდი უხდება ის, რაც მოდაშია. ზოგჯერ სულ პირიქით ხდება. საშა კი ყოველთვის ცდილობს მონახოს ისეთი ხაზები, მოდას რომ ძალიან არ დააშორებს, მაგრამ დაამშვენებს ადამიანს.

— საკუთარი გარეგნობის ობიექტური შეფასების უნარი, მოდა და გემოვნება. — აი, ძირითადი საკითხები, რითაც ქალებმა უნდა იხელმძღვანელონ კოსტად და ელევანტურად ჩაცმისათვის, — ამბობს საშა. — წამბაძველობა კი ყველაზე უსიამოვნო შედეგების მომტანია...

ორჯონიკიძის რაიონის № 1 მოდეის ატელიე (დირექტორი ალ. პატარიძე), რომელსაც საშა ახვლედიანმა ჯერ კიდევ 1932 წელს ჩაუყარა საფუძველი, უკვე სახელმწიფოებრივი ატელიეა. აქ კერავენ საშას გაზრდილები: მარიამ ლებანიძე, სირფუი დავითიანი, ნადეჟდა ფვანია, ისაკ ცოირიფი და სხვები. საშაც მათთანაა და თავისი კონსულტაციებით ესმარება კოლეგებს. მას უხარია, როცა ატელიეს ნახელავით კმაყოფილი და დაშვებულნი მიდიან ადამიანები.

ბავშვობიდანვე უყვარდა კერვა მარიამ ლებანიძეს. ჯერ მისი პატარა ხელების ნახელავი დედოფალს ამშვენებდა, მერე თანდაყოლილი ნიჭის ძახილმა მოწაფედ დააწყებინა მუშაობა არტელ „მკერავთა კომუნის“ № 1 ატელიეში, სადაც ცნობილი მოდელორი ვერა შშულევიჩი კერავდა. პატარისცემით იხსენებენ შშულევიჩის ამავს



მარიამ ლებანიძე



სირფუი დავითიანი



მისი მოწაფეები დღესაც. ის უაღრესად გემოვნებ-
ბიანი მკერავი-მოდელიორი იყო. მრავალი წლების
წინ მას მოსკოვში, კერძო სახელოსნოში ჰქონ-
ნია ხელობა ნახაწვლი. ამ სახელოსნოში
გამომჭრელად ყოველთვის პარიზიდან ჩა-
მოყვანილი სპეციალისტი ჰყავდათ. ვერას იქ
რამდენიმე წელი გაუტარებია: ორი წელი უთოს
არაღებდა, მერე დიდხანს დიღებს აკერებდა და
სალამბავ სამუშაოებს ასრულებდა. იმდენად
ყვარებია კერვა, რომ ღამე, როცა მკერავები
სახლებში მიდიოდნენ, ვერა იქ რჩებოდა. და-
ლამბულ კაბებს არღვევდა და ხელმეორედ კე-
რავდა. ერთხელ, როცა ფრანგი ქალი ავად გახ-
და და სახელოსნო გასაჭირში აღმოჩნდა, ამ
შეუმჩნეველმა გოგომ გამომჭრელობა იკისრა და
ყველა გააკვირვა მისმა ნიჭმა და გემოვნებამ.
შემდეგ მშუღევიჩი საქართველოში მოხვდა და
ბევრი კარგი ხელოსანი გაზარდა. მარიამ ლეზა-
ნიძეც მისი მოწაფეა. მკერავს განსაკუთრებით
მოსწონდა ეს შავგვრემანი, ცინცსალთვალემა
ქალიშვილი. აკი, როგორც თვითონ ამბობდა,
მარიამისგან შესანიშნავი ხელოსანი დადგა. ას-
ლა ის № 1 მოდების ატელიეში ქალთა კაბე-
ბის მთავარი გამომჭრელია. რაც მშუღევიჩთან
დააკლდა, საშასთან შეივსო და ისწავლა.

ადამიანის სხეულის დეფექტები ნამდვილმა
ხელოსანმა ისე ოსტატურად უნდა დაფაროს,
რომ ლამაზიც კი გამოაჩინოს, — ასე წამს და
ასე კერავს მარიამ ლეზანიძე...

ომის დროს მოვიდა ატელიეში სირფუი დავი-
თიანი. წლების მანძილზე გოგონას მხოლოდ შავ
საქმეს ავალებდნენ და არც არავის ეგონა, თუ
მისგან ოდესმე კარგი მკერავი დადგებოდა.
ჰოდა, აი, ამ ოთხი წლის წინათ კლიენტებმა
ერთხმად აღნიშნეს, რომ სირფუი განსაკუთრებუ-
ლი სიზუსტითა და დაკვირვებით აკეთებს ჩა-
ზომვებს ჩუმი და უპრეტენზიო მუშა-მკერავი
უცებ დასრულებულ ოსტატად მოველინა ატე-
ლიეს. მას ქალთა პალტოების გამომჭრელობა ჩა-
აბარეს. ასლა დავითიანს კლიენტთა უმრავლე-
სობა იცნობს.

სოფიო ქავთარაძისათვის კერვა არ უსწავლე-
ბია არც ვერა მშუღევიჩის და არც საშა ასვლე-

დიანს, მაგრამ მათთან ერთად წლობით მუშა-
ობამ მაინც თავისებური ბეჭედი დაასვა მის
ხელს.

ბავშვობიდანვე დაჰყვა კერვისა და ხატვის ნი-
ჭი. მასწავლებლები ურჩევდნენ ხატვას გაჰყო-
ლოდა, მაგრამ სოფიომ კერვა ამჯობინა, ადამია-
ნის გალამაზების პროფესიამ მიიზიდა. ისევე,
როგორც მხატვარი ღელავს თავისი პორტრეტის
წარმატებაზე, სოფიოც განიცდის ყოველი შეკე-
რილი კაბის შეფასებას. ამიტომ ის ყოველთვის
ცდილობს კლიენტის გარეგნობას შეუხამოს მო-
და და ფასონი. უყვარს, როცა კაბა ნახატის
სტილშია და ქსოვილიც ტანზე გაცილებით ძვი-
რფასი ჩანს, ვიდრე სინამდვილეშია. ბევრი კა-
რგი კაბა შექმნა მისმა გემოვნებამ და მარჯ-
ვენამ.

ამ ორი წლის წინათ ჩოდრიშვილის სახელო-
ბის კლუბში მოწყობილ მკერავთა ნამუშევრების
გამოფენაზე, სადაც შეფასება ეძლეოდა ფასონს,
გემოვნებას და შეკერილობას, თბილისის ორჯო-
ნიკიძის რაიონის № 5 მოდების ატელიეს მთა-
ვარმა გამომჭრელმა სოფიო ქავთარაძემ პირვე-
ლი ადგილი მოიპოვა. წარმოდგენილი ჰქონდა
სამი ნამუშევარი: კაბა, კაბა-კოსტუმი და ერ-
თიც საორსულო კაბა. 1958 წელს საქართვე-
ლოს მოდელების სახლში გამართულ გამოფენა-
ზე ქავთარაძის „ახალგაზრდულმა კაბამ“ პირ-
ველი ხარისხის დიპლომი და ფულადი პრემია
მიიღო.

ქალმა მიაპიოხა დაკვეთილ ჰუღს...

აფხაზეთისა და გორის დრამატული თეატრე-
ბის ყოფილმა მსახიობმა ნინო აგლაძემ ამ რამ-
დენიმე წლის წინათ ავადმყოფობის გამო მია-
ტოვა სცენა. ბევრი ფიქრის შემდეგ პროფესიად
ქუდების კერვა აირჩია. მუშაობა დაიწყო რუს-
თაში, შემდეგ თბილისში გადმოვიდა.

იქნებ შეგინიშნავთ: ვაჟა-ფშაველას პროსპექ-
ტზე, სასტუმრო „აფხაზეთის“ მოპირდაპირე
მხარეს, ყოფაცხოვრების მომსახურების № 8
კომბინატის ვიტრინაში ქალთა შესანიშნავი ქუ-
დებია გამოფენილი. მექუდის ნახვას თუ მოისუ-
რვებთ და შიგ შეხვალთ, გულს გატკენთ სახე-
ლოსნოს მოუწყობლობა და სივიწროვე. ერთი-



ნინო აგლაძე

მეორეზე უფრო წარმატცი ფერების შესანიშნავი
მოყვანილობის ქუდები ერთადერთ მაგიდაზეა
დაზვიანული. მკერავი კუთხეშია მიყუჟული და
ისე მუშაობს.

ნინო აგლაძის მიერ შექმნილი ქუდი გემოვნე-
ბიანია და სადა. მთელ თავის შესაძლებლობას
ახმარს ოსტატი, რომ მისმა ნახელავმა ადამია-
ნი ერთიორად გაალამაზოს, ელვანტი და დახ-
ვეწილი გამოაჩინოს.

— ამ ბოლო წლებში ჩვენი დედაქალაქის ქა-
ლებმა, განსაკუთრებით ქალიშვილებმა ჩვევად შე-
მოიღეს ზამთარ-ზაფხულ უქუდოდ ან წაჭერილი
მოსახვევებით სიარული, — ამბობს ნინო. —
გემოვნებით ჩამყულ ქალს კი ქუჩაში ასე გამო-
სვლა არ შეუძენის. ქუდი ხომ განსაკუთრებით
ალამაზებს ქალს, მომხიბლავ, თანამედროვე სი-
ლუეტს ქმნის. მითუმეტეს, ასლა, როცა საქუ-
დე მასალის ასეთი მრავალფეროვნებაა, როცა



პროკოფიევა

ანიკო ალადაშვილი



ვალედა ცხვრებაშვილი

ასე მოდამია არა მარტო ფეტრის, არამედ ყოველგვარი ქსოვილისა და სხვადასხვა იმიტაციური მასალის ქუდები, რაც უდიდეს შესაძლებლობას იძლევა მათი ნაირფეროვნებისათვის.

ქალი საპარამხარეო...

რუსთაველის პროსპექტზე, № 1 საყოფაცხოვრებო კომბინატის ქალთა სალონში ხშირად მოისმენთ: ფენიას ველოდები... ალბათ დღეს ვერ მოხვდებით... ანიკოსთანაც ბევრნი არიან...

ამ სალონში საკმარისი კლიენტები ყველა ხელოსანს ჰყავს, მაგრამ ფენიას და ანიკოს ხომ ამოსუნთქვისთვისაც არ სცალიათ...

ყველა დარგს ყავს თავისი ჯარისკაცები და გენერლები. ძნელია ქალაქში განთქმული პარიკმახერის სახელი და კლიენტთა საერთო აღიარება მოიპოვო. ეს აღიარება აუცილებლად მოაქვს ნიჭსა და წლების მანძილზე ერთუზიანობით მუშაობას. ამ ორიოდვე წლის წინათ, ჩვენს დედაქალაქში გამართულ პარიკმახერთა საქალაქო შეჯიბრებაზე, მრავალ გამარჯვებულთა შორის, ფენია პროკოფიევას ქალთა თმების ვარცხნილობას პირველი ადგილი მიაკუთვნეს.

1941 წლის მიძიმე დღეებში ბელორუსიდან გადმოსხვეწილმა ქალმა, საქართველოში კპოვა თავშესაფარი. ჯერ თბილისის ბაქტერიოლოგიის ინსტიტუტში მუშაობდა, შემდეგ ქალთა საპარიკმახეროში გადავიდა უმცროს პარიკმახერად. ახლა ფენია პროკოფიევა საპარიკმახერო საქმის დამსახურებული ოსტატია და ქალის თმის საუკეთესო გამლამაზებლად ითვლება. აკეთებს როგორც ცხელ, ისე ცივ პერმანენტს. ქიმიურ (დენში ჩაურთველ) პერმანენტს კი უფრო ურჩევს კლიენტებს. ასეთი ვარცხნილობა ბუნებრივს გავს და ლამაზად ლაგდება საზეობი. თუ თმა ნაწია და ამავე დროს შეღებილიც, ფენია მას დენში არ გაატარებს. ამისათვის საპარიკმახეროში დაინერგა ახალი მეთოდი, ხუთწუთიანი პერმანენტი.

ამ წამოწყებას პირველად ანიკო ალადაშვილმა აუბა მხარი. დიდი ხანი როდია, რაც ის აქ მოვიდა. მუყაითი შრომით კარგი ხელოსანის სახელი დაიმკვიდრა და მალე რიგითმა პარიკმახერმა მესამე ხარისხის ხელოსანის წოდება მიიღო.

ქალი მანიკურს იკეთებს...

ლამაზად თმადვარცხნილი ქალი დარბაზ ტოვებს და მუშობელ ოთახში გადადის...

მანიკურის სალონი. პატარა მაგიდებთან დახრილი თავები... როგორც საერთოდ ხდება, პირველ ხანებში ფენია აკოპოვასაც უჭირდა ფრჩხილზე კანის დაუზიანებლად მოჭრა, ფერთა შერჩევა, არც ხელი ემორჩილებოდა ისე. მერე თანდათან მიეჩვია. მას ცვლაში შეუძლია ოცი და მეტი მანიკურის გაკეთება, ფერთების მოდის მიხედვით შეხამება, ფრჩხილის ზომაზე დაყენება. ფენია აკოპოვა თავისი ცვლის ხელოსანთა ბრიგადირია და მისი ბრიგადის წევრები გვემას ხშირად გადაჭარბებით ასრულებენ.

სალონში ვეტერანი მაინც მანია ოგანეზოვაა. თითქმის სამი ათეული წელია, რაც მესამე ხარისხის ხელოსანის წოდება აქვს. ის ამ დარგის პედაგოგადაც ითვლება, მანიკურის ხელობის შემსწავლელ კურსებზე მისაღები გამოცდების კომისიის წევრია. მემანიკურე ქალთა უმრავლესობა მისი გაზრდილია.

თამარ ნოზაძე არ არის ვეტერანი, მაგრამ მისთან მოხვედრა არც ისე ადვილი საქმეა. კომბინატის ვესტიბულში, სავარძლებზე ჩამომსდარი ქალიშვილებიდან ბევრი „თამარიკოს ელოდება“

ქალი ექიმ-კოსმეტოლოგთანაა...

„კოსმეტიკა“ ბერძნული სიტყვაა, ქართულად „გამშვენიერებას“ ნიშნავს. მიწიშენილი გამოთქმა! ყველა ასაკის ქალი ნატრულობს მშვენიერი იყოს...

ამ ცოტა ხნის წინათ თბილისში გაიხსნა საექიმო-კოსმეტოლოგიური სამკურნალო. მისმა დირექტორმა — ექიმმა-კოსმეტოლოგმა ვალედა ცხვრებაშვილმა გვითხრა:

— კანი ადამიანის ჯანმრთელობის სარკეა. მისი მკურნალობის დაწყებამდე, უპირველეს ყოვლისა, საჭიროა ორგანიზმის გამორკვევა და დაავადების გამომწვევი ძირითადი მიზეზის მოსპობა. მხოლოდ ასეთი წესით ჩატარებული მკურნალობის შედეგად შეიძლება მივაღწიოთ

სასურველ შედეგს. ამ პროფილით წარმატებული სამკურნალო დაწესებულების მუშაოსადაც ავადმყოფებს ემსახურებიან კვალიფიციური ექიმი-კოსმეტოლოგები და ექსპანტები, კოსმეტოლოგების სულტაციის უწყვეტ პროფესორები და გამოცდილი სპეციალისტები.

ჩვენი ქალების უმრავლესობა სხვადასხვა საწარმოებში მუშაობს: მშენებლობაზე, ფაბრიკა-ქარხნებში, ქიმიურ ლაბორატორიებში. მათ თავიდან უნდა აიცილონ ჭკუჭყი, მტკერი და მაღალი ტემპერატურის მავნე ზეგავლენა. ამისათვის საჭიროა სისტემატურად შეამოწმონ თავიანთი ჯანმრთელობის მდგომარეობა და განსაკუთრებით მოუარონ კანს, თმას და ხელებს.

ახლა ქალებს მეტი საშუალება ექნებათ, უფრო კარგად მოუარონ თავს და თავიდან აიცილონ ნაადრევი სიბერე...



ფენია აკოპოვა




მანია ოგანეზოვა

ლამაზი ქალის კვალმა მიგვიყვანა სამა ახელედიანის ატელიეში, ნინო აგლაძის სახელოსნოში, ქალთა საპარიკმახეროში, მანიკურის სალონში, ახალ კოსმეტოლოგ დაწესებულებაში.

ვნახეთ ყველა ისინი, ვინც ამშვენიერებს ჩვენს ყოფას, ვინც ჩვენ გვალამაზებს...

და ერთხელ კიდევ გაგვახსენდა დიდი რუსი მწერლის ა. პ. ჩეხოვის სიტყვები „ადამიანი ყველაფერი უნდა იყოს ლამაზი: გარეგნობა, ჩაცმულობა, სული და აზრები“...

ირმა ჩოფიაშვილი



„უკვლევების წყალი“

გრძელ, ვიწრო დერეფნებსა და ფართო, მზით სახსე ვესტიბიულებში ისეთი სიჩუმე და სიყარო-ლევა, იფიქრებთ ეს უზარმაზარი შენობა მის ბინადართ სამუდამოდ მიუტოვებიათ და სადღაც გადაბარგებულანო. მაგრამ ნაჩქარევი დასკვნა ყოველთვის ატყუებს კაცს: გვერდიგვერდ ჩამწკრივებული ოთახებიდან, რომელიც გნებავთ შეაღებთ; ახლა წყნარი საათია და სახლის ბინადარნიც ზოგი ნებით, ზოგიც იძულებით თავიანთ საწოლებში ისვენებენ...

1950 წლის ივლისში წყალტუბოს კლინიკური სანატორიუმის ბაზაზე გაიხსნა საქართველოს ჯანდაცვის სამინისტროს კურორტოლოგიისა და ფიზიკური მეთოდებით მკურნალობის სამეცნიერო-კვლევითი ინსტიტუტის წყალტუბოს ფილიალი 75 საწოლით.

ეს იყო დიდი მიღწევა; მსოფლიოში აღიარებულ და სახელგანთქმულ წყალტუბოს წყლებს ნამდვილად ესაჭიროებოდა მეცნიერთა გამუდმებული კვლევა-ძიება.

დიდი და გრძელი ისტორია აქვს წყალტუბოს... გაზაფხულდებოდა თუ არა, ახლომასლო რაინებებიდან დაიძვრებოდა ხალხი წყალტუბოსაკენ. მოდიოდნენ ფეხით, ურმით, მოჰყავდათ ავადმყოფები საკაციოთ, მოდიოდნენ გულში იმედით, რომ ეს ღმერთისა თუ ბუნების სასწაულით მოვლენილი წყალი მათ სენისაგან განკურნავდა.

ბევრს უმართლებდა; ფეხზე დგებოდნენ დაგრდომილნი და სახლისკენ მიმავალინი შიშარევი მოწიწებით დასცქეროდნენ ნიადაგიდან ბუბუყით ამოვავალ წყალს, რომლის ზედაპირსაც სქელი მოთეთრო ორთქლი ფარავდა. წყალტუბოსთანა წყალმა ათქმევინა ალბათ ხალხს „შეკვდავების წყლის“ თქმულება.

ჩვენი საუკუნის დამდევნიდან წყალტუბოს პოპულარობა უფრო ფართო და დიდი გახდა. იმ ადგილას, სადაც წყალი ამოდიოდა, ხალხმა გადასურულების გამართვა დაიწყო. მოგესხენებათ წყალტუბოს წადგმული წვიმები, თუ მოხსნა პირი... ჰოდა, უამინდობის დროსაც იჯდა ხალხი ჯგროდ ბინძურ, ტალახიან წყალში.

საბჭოთა ხელისუფლების დამყარების დღიდან კი წყალტუბო მთავრობისა და მეცნიერების გამუდმებული საზრუნავი გახდა. ოთხი ათეული წელი სწორედ რომ ცოტაა იმისათვის, რაც აქ გაკეთდა. იგი ახლა საუკუნეობით ნაშენ ვეროპულტურისტულ ქალაქს წააგავს თავისი უზარმაზარი, შესანიშნავი შენობებით, მწვანე ნარგავთა სიუხვითა და სხვადასხვა ენაზე მოლაპარაკე ჭრელი საზოგადოებით. აღამიანები ჩამოდიან მავადანინდან და ჩიტიდან, არხანგელსკიდან და მურმანსკიდან, ყირგიზეთიდან და ტაჯიკეთის მცხუნვარე ველებიდან, ჩამოდიან და რაკი ერთხელ

წყალტუბოს იგემებენ, მერე მისი სისტემატური სტუმრები ხდებიან.

სწორედ ასეთმა პოპულარობამ, მინერალური წყლების საოცარმა სამკურნალო თვისებებმა განაპირობა წყალტუბოში კურორტოლოგიისა და ფიზიკური მეთოდებით მკურნალობის სამეცნიერო-კვლევითი ინსტიტუტის ფილიალის გახსნა.

ფილიალის შენობა მომადლო ადგილზეა აშენებული, მაგრამ ასაკოვან, მაღალ ხეებში ისეა ჩაფლული, რომ სანამ ახლოს არ მიხვალ, ვერ გარჩევ.


დღეისათვის ფილიალში 100 საწოლია ოთხ კლინიკურ განყოფილებაზე. ეს განყოფილებებია: თერაპიული, ნევროლოგიური, გინეკოლოგიური და ბავშვთა. მუშაობს უახლესი აპარატურით აღჭურვილი ლაბორატორიები და კაბინეტები: ბიოქიმიური, პორმონალური, ფუნქციონალური დიაგნოსტიკის, კლინიკური დიაგნოსტიკის, რადიოლოგიური და სხვა.

შორის 7 მეცნიერების კანდიდატია. უახლოეს პერიოდში კიდევ 6 კაცი დაიცავს ხარისხს. მუშაობის 14 წლის მანძილზე 5 სადოქტორო შრომა დამუშავდა.

ფილიალი დიდ პრაქტიკულ დახმარებას უწევს წყალტუბოში მომუშავე ექიმებს კონსულტაციების, სემინარების და ლექციების სახით.

ფიზიო-ქიმიური და რადიოლოგიური ლაბორატორია კლინიკურ განყოფილებებთან ერთად ამუშავებს მეტად საინტერესო პრობლემატურ საკითხს, წყალტუბოს მინერალური წყლების დამის დებიტის გამოყენების შესახებ, რაც ერთიორად გაზრდის გამტარებლობას.

კურორტი წყალტუბო თავისი პროფილით ძირითადად განკუთვნილია ადამიანის საყრდენ-მომძრავებელი აპარატის დაავადებათა სამკურნალოდ, თუმცა, არანაკლებ სამკურნალო ეფექტიურობით ხასიათდება პერიფერიული ნერვული სისტემის, გულსისხლძარღვთა და გინეკოლო-



ფილიალის კოლექტივმა უკვე დამუშავა ასობით სამეცნიერო-კვლევითი შრომა, რომელთა საფუძველზეც დადგინდა და დაზუსტდა წყალტუბოს მინერალური წყლების სამკურნალო ჩვენებანი და უკრწევებანი მთელ რიგ დაავადებათა დროს. დადგინდა კომპლექსური მკურნალობის მეთოდები, რაც გამოიხატება წყლის პროცედურების პარალელურად ფიზიო-თერაპიულ, სამკურნალო ფიზკულტურის და მედიკამენტური საშუალებებით მკურნალობაში.

ფილიალს ოცამდე მდამუშავი ემსახურება, მათ გიური დაავადებებისას. აქ განსაკუთრებით უნდა გამოიყოს გულსისხლძარღვთა დაავადებები. იყო დრო, როცა ბევრს, მათ შორის ზოგიერთ ექიმსაც, მტკიცედ სწამდა, რომ წყალტუბოში არ შეიძლებოდა ემკურნალათ გულით დაავადებულთ. ხანგრძლივი დაკვირვების შედეგად, ფილიალის მეცნიერი მუშაკები იმ დასკვნამდე მივიდნენ, რომ წყალტუბოს მინერალური წყლები წარმატებით კურნავს გულსისხლძარღვთა მთელ რიგ დაავადებებს. გამართლდა პროფესორ გირსალაძის მიერ ამ 30 წლის წინ ნათქვამი სიტყვები: უახლოეს

პერიოდში წყალტუბო ერთერთ კარდიოლოგიურ კურორტად გადაიქცევაო.

მაღალი ეფექტი აღინიშნება გულის მანკების, კარდიოსკლეროზის, ენდარტერიტების, ტრომბოფლებიტიების და პიპერტონიული დაავადების დაწყებითი ფორმების დროსაც.

როგორც ცნობილია, წყალტუბო განსაკუთრებულ ეფექტს იძლევა სახსრების რევმატიზმის და ინფექციური ანთების, სპონდილოზების (მარილების დალექვა), რადიკულიტების, უნაყოფობის ზოგიერთი ფორმების და კლიმაქსის დროს.

ფილიალის გინეკოლოგიურ განყოფილებას ხელმძღვანელობს მედიცინის მეცნიერებათა კანდიდატი თენგიზ კარტოზია. ის ახლა მუშაობს სადოქტორო თემაზე: „ქალთა კლიმაქსი“. კაბინეტის კედლებზე გაკრული დიაგრამები, ცხრილები და სხვა მაჩვენებლები ცხადად მეტყველებენ იმ დიდ და საპატიო საქმეზე, რომელსაც თენგიზ კარტოზია ემსახურება.

„კლიმაქსი არ არის სიბერე“, — ამხნევეს იგი ავადმყოფებს; ექიმის დარწმუნებული კილოთი ნათქვამ სიტყვას დიდი მნიშვნელობა აქვს ავადმყოფისათვის. მით უმეტეს, კლიმაქსის დროს ზედმეტად მგრძობიარე ხდება ნერვული სისტემა და ფრთხილად, ტაქტიანად ნათქვამ ექიმის სიტყვას შეუძლია ეფექტური შედეგი გამოიღოს.

ფილიალის კოლექტივი მთელი გატაცებითა და ენერგიით ეკიდება საყვარელ საქმეს და დამსახურებული ავტორიტეტით სარგებლობს რაიონში.

ამ კოლექტივის ორ ღირსეულ წევრზე გვინდა გითხრათ ორიოდ სიტყვა. ესენი არიან მარგალიტა კინწურაშვილი და რუხანა ამირაგოვა.

მარგალიტა დაარსების დღიდან ფილიალში მუშაობს და თავისი კეთილსინდისიერი შრომით მუდამ გამოირჩევა. მას ჯერ კიდევ ომის წლებში, ჰოსპიტალში მუშაობისას, გაუჩნდა აზრი საფუძვლიანად შეესწავლა და დაემუშავებინა თემა: „წყალტუბოს აბაზანების სამკურნალო ჩვენება ზურგის ტვინის ინფექციური და ტრავმული დაზიანების დროს“. ეს საკითხი მთელი რიგი წლების განმავლობაში სადაო იყო, და აი 14 წლის მანძილზე მან უამრავი მასალა დააგროვა, დაამუშავა, დახვეწა და დღეს თუ ხვალ თავისი ნაშრომით გაბედულად წარსდგება ფართო აუდიტორიის წინაშე.

რუხანა ამირაგოვა სახელგანთქმული ქუთაისელი ნევროპათოლოგისა და ფსიქიატრის ერან ამირაგოვის ქალიშვილი გახლავთ. იგი ღირსეულად აგრძელებს მამის საქმეს. ძირითადად რუხანა წყალტუბოს წყლების პერიფერიულ ნერვულ სისტემაზე მოქმედებას ირკვევს. აქვს შრომები პლექსიტებზე. ყოველ წელს მისთვის ახალახალი წარმატებები მოაქვს. პაციენტები სახლში დაბრუნების შემდეგაც არ ივიწყებენ გულისხმიერ მკურნალს და წერილობით უთვლიან მადლობას.

ფილიალში მეცნიერული მუშაობა მთელი ძალითაა გაჩაღებული. წყალტუბოს მინერალურ წყლებს ჯერ კიდევ დიდი შესწავლა და დამუშავება სჭირდება. გვჯერა, რომ ეს ნიჭიერი კოლექტივი ბოლომდე პირნათლად შესასრულებს მასზე დაკისრებულ მოვალეობას.

ნანული ცაბარეიშვილი



ლილი გუგუნი

როსოდის სარკმელში სწრაფად იცვლებიან ლამაზი კადრები, გუგუნებენ ლიანდაგები, ირწევიან მგზავრები, უკან რჩება ჭაღარა მთები, ხუტუტა ტყეები. მიჰქრის მატარებელი.

ჩუმად ეღიმება ფიქრებში წასულ მგზავრს.

ლიანდაგების გუგუნში ერთმანეთს მიჰყვებიან მოგონებები, სადღაც თითქოს მუსიკის ხმებიც დაირხა და ა. ბალანჩივადის ბალეტ „მოების გული“ გაახსენა.

აგერ, ქარიშხალივით შემოიჭრა სცენაზე ჯარჯი, მაყურებელთა დარბაზი ჯერ გაინაბა, გაჩუმდა, შემდეგ მზურვალე ტაშმა იფეთქა.

ვასტაგე ჭაბუკიანის პირუტყმა თავბრუ დაახვია პარტიტორებს და მაყურებლებს.

წარმატება, არასული წარმატება! პირველი სრულყოფილი ქართული ბალეტის დაბადება!..

ყვავილებით მოფარდავული ავანსცენა და მეგობრულად გამოწვდილი უამრავი ხელები...

გულის ტკბილი შეტოკებით იმედიანად გახედა მგზავრმა როსოდის დაორთქლილ მინებს, თავისებურად ამოიკითხა უცნაური ნახატები, თავისდაუნებურად თითიც მიაშვავა წყლის წვეთებს, კურცხალივით რომ ჩამოედევნათა ფანჯარას.

...შრომის ჯილდო. სიხარული და ბედნიერება... გაბედული ნაბიჯი გამარჯვებას მოიტანს — აი, ჩავა მოსკოვში, დაიცავს დისრტაციას და მეორე ოცნებაც ახდდება: ქართული კლასიკური ბალეტის პირველი დედოფალი სწავლულიც იქნება.

ქალს ბედნიერმა დიმილმა კვლავ დაუმშვენა სახე. შეგრთა კიდევ, ზომ არავინ შეზინწნაო. მიიხედ-მოიხედა — უცნობის ცნობისმოყვარე თვალეებს წააწყდა: „ძნელი არ არისო თქვენი ცნობა!“ „ჩვენც გიცანითო“, — ფუნუნებთან სხვა თვალეობი.

მალე მთელ როსოდას მოედო ლილი გვარამაძის იქ ყოფნის ამბავი. ყველას უნდოდა თვალთ შეველო ხელოვანი ქალისათვის. მოდიან, ეცნობიან, ისიც ხალისით პასუხობს შეკითხვებზე — ენაწყლიანად უამბობს: ცეკვა როგორ ასწავლა დედამ. ოთხი წლის გოგონამ, პირველად როგორ იცეკვა საზოგადოების წინაშე. მაგრამ ის

აღარ თქვა, თეატრიდან დაბრუნებული თუ როგორ ჩაუჯდებოდა წიგნს და გვიანობამდე კითხულობდა. ამ ყოფაში ხშირად ჩასძინებია. დედა — ელენე ხასანაშვილი ჯერ წიგნს აართმევდა, შემდეგ კი ფრთხილად ხდიდა და ტახტზე აწვენდა.

ასე იყო მაღამ პერინის სტუდიაში, საშუალო სკოლაში, უნივერსიტეტშიც, იურიდულ ფაკულტეტზე რომ სწავლობდა: სქელტანიანი წიგნები და პეპელას ფრთებივით მსუბუქი „ტუნიკა“, ლექციები და თავდადოვიყოფილი ცეკვა ერთად შერწყვა და შესისხლსორცდა.

მართლაც, ბევრი რამ იყო საყურადღებო ლილი გვარამაძის მუშაობაში. ერთხელ კოტე მარჯანიშვილმა ოპერის სცენაზე ზუპუს ოპერა „ბოკაჩიო“ დადგა. მაშინ ლილი პერინის სტუდიის მოსწავლე იყო.

მარჯანიშვილმა სტუდიის მოსწავლეებს ბიჭურად ჩააცვა და ერთ-ერთ სურათში კასრებზე ასმკვპა.

რეპეტიციების დროს ლილი ავად გახდა. ვგონა, პრემიისაზე აღარ მაცეკვებენო და ნაღვლობდა. საქეტაკლის დღეს ლილი რეჟისორთან მივიდა. გოგონა ლელავდა და იცრემლებოდა. მარჯანიშვილმა დააშვიდა და უთხრა: კარგი, რაკი ძალიან გინდა, იცეკვე, მხოლოდ, როცა დანარჩენები მწკრივში ჩადგებიან, მაშინ შენ კასრებს უკან დაიმაღე, რადგან მწკრივში მხოლოდ 10 ბიჭუნა ეტევაო.

დიდი რეჟისორის გულთბილი მოპყრობა დიდხანს ახსოვდა პატარა ლილის.

მაღამ პერინის სტუდიის დამთავრების შემდეგ, გვარამაძე ლენინგრადის ქორეოგრაფიულ სასწავლებელში შევიდა.

ცნობილმა მოცეკვავემ და პედაგოგმა ა. ვაგანოვამ გულთბილად მიიღო საზრუნელი მოცეკვავე, რომელიც სიბლავდა ჭარბი ტემპერამენტით, მშობლიური მთების სილადით და იფნის სახრუსავით მოქნილი ტანიო.

სარეპეტიციო დარბაზში ღერძთან მდგარი ლილი თავგაბოდებით ეუფლებოდა ვირტუოზულ ტექნიკას და იმ რომანტიკულ პოეზიას, რომლი-

თაც შემდგომში უნდა მოექცოვა საბალეტო სპექტაკლების ქორეოგრაფიული ქარგა.

ლენინგრადიდან დაბრუნების შემდეგ კვლავ კოტე მარჯანიშვილს შეხვდა. მაშინ უკვე „წითელ ყაყაოში“ ტაო-ზოას და „კუზიან კვიციანი“ ფასკუნჯას ცეკვაუდა.

კოტე მარჯანიშვილს მოეწონა ლილი გვარამაძე. — შენ უნდა იყო ჩემი ივდიითი, — უთხრა მას ერთ-ერთი საბალეტო სპექტაკლის შემდეგ.

„სწორედ ასეთი პლასტიკური, ასეთი ნაზი და მეტყველი სხეულისაგან უნდა შევექმნა ჩემი გმირები“, — ხმამაღლა ოცნებობდა მარჯანიშვილი.

და მართლაც გვარამაძის ცეკვით მოხიბლულმა მარჯანიშვილმა განიზრახა „წითელი ყაყაო“ დრამის თეატრში დაედა, ლილი გვარამაძეს სიტყვით უნდა შეესხა სორცი ტაო-ზოას სახისათვის. მაგრამ კოტე მარჯანიშვილმა ვერ მოასწორო ჩანაფიქრის განხორციელება. იგი მოსკოვში მიიწვიეს „დონ-კარლოსის“ დასადგმელად და იქვე გარდაიცვალა.

ლილი გვარამაძე დ. ჯაფრიშვილთან მუშაობდა. ქართული ქორეოგრაფიის თავდადებული მოამბე დ. ჯაფრიშვილი კარგად გრძობდა, რა მასალა მოხვდა ხელში. დილიდან საღამომდე კვებოდა, აჩუქებდა, ჰქმნიდა ქართული ბალეტის მშვენიერებას. თუ ვაგანოვამ დახვეწა და გააფართოვა მაღამ პურიანის სტუდიაში გვარამაძის მიერ შეთვისებული კლასიკური ბალეტის საფუძვლები და გაამდიდრა მისი რეპერტუარი (ფასკუნჯა, ტაო-ზოა, კიტრი, ესმერალდა, მარია, ლიზა, ფერენჯი და სხვა), ჯაფრიშვილმა ხალხს ძვირფას ჯილდოდ მიუძღვნა ლ. გვარამაძის ცეკვა „ქართული“, „მირზაია“ და „ტაშვანდურა“.

ზ. ფალიაშვილის უკვდავ ოპერა „დაისში“, „ქართულის“ პირველივე აკორდი მსმენელს ატყვევებს, სიამოვნების ფრუანტელს ჰგვრის; პარტინორის თავაზიან გამოძახებაზე გამოდის ქართულ თეთრ კაბაში გამოწყობილი პირიშუე, მკლაქს ნაზად შლის, ბაგეზე მომხიბვლელ ღიმილს დაიყრის და გასრიალდება, საოცრად,



სანეტაროდ — არცერთი ნაკვთი არ ირხევა არც სახეზე, არც სხეულზე. მთელი მისი არსება პარმონიულად შერწყმულია ლამაზ მელოდიაში.

ლილის ნარწყარი ტანი თხუთმეტი წელი ირხეოდა ქართულ სცენაზე და ეს დრო საკმარისი გახდა მაყურებლის უზადო სიყვარულის მოსაპოვებლად.

ჯერ იყო და პირველი საბჭოთა ქალის — ციალას სახის შექმნით გული გაუთბო მაყურებელს, მან უფრო დასამახსოვრებელი, უფრო ცხოველი და საინტერესო გახდა ბალეტი „მალთაყვა“, შემდეგ მანიფესტურულებით აღაფრთოვანა ბალეტ „მთების ვულში“. ორივე ქალის სახე ლილიმ დიდი კეთილშობილებით, ლირიულობით და პოეტურობით გამოჰკვეთა.

უფრო ადრე, ბალეტ „კოპელიაში“ სვანილდას სათუთი სახე შექმნა. მაყურებელი განაც-



ესმერალდა

ვიფრა ემოციით, ქორეოგრაფიული ნახაზის სუფთა და დახვეწილი შესრულებით. იყო შემთხვევა, როდესაც „ვალპურგის ღამეში“ ლილი გვარამაძე და მისი პარტინორი ვ. ლიტვინენკო თერამეტკერ, ოცჯერ გამოიძახა მაყურებელმა.

ლენინგრადიდან დაბრუნების შემდეგ ლილი გვარამაძემ სწრაფად მოიხვეჭა სახელი და საბალეტო სპექტაკლების ყველა პირველი პარტიები წარმატებით იცეკვა.

კარგად ახსოვს მაყურებელს ლერწმების ვარაყში ჩასმულ ტბაზე, მოვარის შუქზე მოცეკვავე თეთრი გედი, თავი ოდნავ რომ გვერდზე გადაუხრია, მოჩილ მკლავებს ფრთებივით არხევს. ოდეტას ადამიანური ტანჯვის გამოსახატა-



ციალა — „მალთაყვა“.

ვად გვარამაძე საბალეტო ხელოვნების ყველა ხერხს ხმარობდა, ოდილიას გულდრძო და ცეცხლოვანი ცეკვით კი ტექნიკური პასაჟების შესრულების კულმინაციას აღწევდა.

მოსკოვის ლუნაჩარსკის სახელობის თეატრალური ხელოვნების სახელმწიფო ინსტიტუტში უამრავ ხალხს მოეყარა თავი. აქ არიან სპეციალისტები, ბალეტსამეცნიერები, ხელოვნებათმცოდნეები, მსახიობები. კათედრაზე აღის მოცეკვავე ქალი, ა. ვაგანოვას „კლასიკური ცეკვების საფუძვლების“ ქართულად მთარგმნელი, „ქართული სალსური ქორეოგრაფიის“ და „მთაწმინდელი მოცეკვავის“ წიგნების ავტორი.

და ახლა არა როგორც და შუშპრობით — ცოდნით და საოცარი მჭერმეტყველებით ერთხელ კიდევ ანცვიფრებს მოსკოვის საზოგადოებას. მეორე დღეს, თბილისში, სასწრაფო დეპეშას იღებენ: რესპუბლიკის სახალხო არტისტმა ლილი გვარამაძემ ბრწყინვალედ დაიცვა დისერტაცია თემაზე: „ქართული ცეკვის მორფოლოგიის წარმოშობის საკითხისათვის“.

სალამოგამს, თითქმის ყოველ დღე, ჭავჭავაძის ქუჩაზე შეხვდებით სწრაფად მიმავალ ლილის. მას მოწაფეები მიეღიან მსატრეული თვითშე-მოქმედების კულტურულ-საგანმანათლებლო სასწავლებელში, რკინიგზის სალსური შემოქმედების სახლში. ლილი გვარამაძე მათ კლასიკური ბალეტის საფუძვლებს ასწავლის.

დილით ღვაწლმოსილი შემოქმედი სადოქტორო დისერტაციაზე მუშაობს... კვლავ აგუზუნდებიან ლიანდაგები, კვლავ მოსკოვისაკენ გაიჭროლებს მატარებელი და ვეჯერა, რომ ლილი გვარამაძე ისევ გამარჯვებული დაგვიბრუნდება.



ლილა სპვილია

ბეგრის წიქი

ჩვენს თეთრ ბალს რომ კუნწულებით
სავსე ჰქონდა ყველა ტოტი,
რასაც შევსწვდით, ჩამოვკრიფეთ,
რაც კი შერჩა, ჩიტი კორტნის.

ბებო ამბობს: აბა, როგორ,
ნუ ინანებ, გოგო დალი:
ჩიტმაც უნდა იგემოსო
წლის ახალი მოსავალი.

ჩიქის ენა

მანქანა ან თოჯინა,
რომ წავართვა სხვა ბავშვს,
დედამ მითხრა: იმ წუთას
ჩიტი მეტყვის ამბავს.

ლაპარაკი არ იცის, —
იცის მხოლოდ სტვენა;
როგორ იგებს ნეტავი
დედა ჩიტის ენას?

ბებომ მითხრა: შვილიკო,
ლაპარაკობს ჩიტი...
შენც ისწავლი მის ენას,
რომ გახდები დიდი

ნორა ელიშვარაშვილი

სანადირო

გიას მოუტანეს
სანადირო თოფი,
გაასინჯა ძმობილს,
გაასინჯა დობილს.

ბაღში ქურდობს თურმე
ზღარბი დიდზე დიდი,
ჰოდა, გიაც ზღარბზე
სანადიროდ მიდის...


ბეგრის წიქი

პატარა მანანას დიდდა თავის წამალს ეძახ-
და. გაკვირვებულმა მანანამ ერთხელ პკითხა:
— დიდდა, „წამალს“ რად მეძახი, მე ხომ
ბავშვი ვარ? — დიდდამ მანანა კალთაში ჩა-
ისხა, შუბლზე აკოცა და უთხრა:
— როდესაც ავად ვარ, შენი დანახვა მარ-
ჩენს, წამალი აღარ მჭირდებაო.

ბუტია

ერთხელ, ერთმა ბუტია გოგომ სადილის ჭა-
მაზე უარი თქვა, — მარტო ხილს შევჭამო.
— ხილს ის შეჭამს, ვინც ისადილებსო, —
გამოაცხადა დედამ.
მართალია, ბუტიას ხილი ძალიან უნდოდა,
მაგრამ სადილზე მაინც უარი განაცხადა.
და-ძმებმა სადილი დაამთავრეს, ხილით
პირი ჩაიტკბარუნეს და სათამაშოდ გაიქცნენ.
ბუტია კი აღარც სათამაშოდ გაუშვეს.
კარგა მოსაღამოვდა. ბავშვებს მოშივნოდათ
და ხმაურით ამოცვივდნენ. დედამ გემრიელი
ვახშიმი დაახვედრა და ბუტიას კერძიც მათ
გადაუღო.
— ნახეთ, შვილებო, ბუტიას კერძი რა გე-
მრიელიაო!
ბავშვებმა კარგად ივახშმეს. თან გაიძახოდ-
ნენ:
— უჰ, ბუტიას კერძი მართლა რა გემრიელი
ყოფილაო.
ბუტიას შიმშილით გული მისდიოდა, ნერწ-
ყვებს ულაპავდა და ფიქრობდა:
— ნეტავ ერთხელ კიდევ წამოსცდეს ვინმეს
საჭმელი ჭამეო!
მაგრამ ბუტია აღარავის ახსოვდა.
ითმინა, ითმინა ბუტიამ და დიდდას ჩუმად
უთხრა:
— სულ ცოტა კერძი მაინც აღარ დარჩა?
დიდდამ ჭვამში ჩაიხედა, ჭვამი ცარიელი
დაუხვდა. ბუტიასთვის კერძის შენახვა აღარა-
ვის უფიქრია.
დაღონდა ბუტია.
— აი, პური ყოფილა ცოტა, ეს ჭამეო —
შეებრალა დიდდას. ბუტიამ გამოართვა ცარი-
ელი პური და გემრიელად მიირთვა.
ამ დღიდან ბუტიას აღარაფერი დაუწუნე-
ბია.

ნატო ჯონხაძე



როცა უცნობის ოჯახში შედიხართ, პირველ რიგში ნივთებს ათვალთვობთ. უსულო საგნები ზოგჯერ დიდ შემწევობას გაგიწევენ. მათი დახმარებით ხშირად შეუცდომლად გამოიცი-ნობთ პატრონის სულიერ სამყაროს, გემოვნებას, მდგომარეო-ბას.

გრცელ სასტუმრო ოთახში სითბო და სიმყუდროვეა. ყო-ველი ნივთი შეთვისება გარემოს, საკუთარი ადგილი დაუმ-კვიდრებია. ირგვლივ წესრიგია, დიასახლისის მზრუნველი ხელის ნაკვალევი.

თუ სტუმარი თავისუფლად გრძნობს თავს უცხო ოჯახში, ეს პირველ რიგში დიასახლისის დამსახურებაა, მისი მადლი-ანი ტაქტის, ჭკუისა და გამჭრიახობის ნიშანია. ასეთ გარე-მოში გულითადი საუბარია მოსალოდნელი.

— თქვენ გაინტერესებთ ჩემი ცხოვრება, — ღიმილით გვე-კითხება ფატი და განაგრძობს, — აქ ხაზი უნდა გავუს-ვათ იმას, რომ ქალი ვარ. ქალის ცხოვრებაში კი არ არ-სებობს იმაზე უბედნიერესი წუთი, ვიდრე დედად გახდომა. ამ სიტყვებმა თითქოს ერთბაშად შეარხია სათუთ მოგონება-თა სიმები, საოცარი სხივი შემატა პატარა ტანის, ხანდაზმულ, მაგრამ ჭარმაგ ქალს, დედის ემში და სითბო ჩაუყენა შავ თვალ-წარბში.

— ჩემი კოტიკო, ჩემი ზეინაბი! — ამბობს დედა ისე, თითქოს ისინი კვლავ ჩვილები იყვნენ. კოტიკო უკვე თვითონ არის მშობელი, პატარა ფატუნას მამა. იგი თბილისის სახელ-მწიფო უნივერსიტეტის დოცენტია. ზეინაბი კი ექიმი-მკურ-ნალი, პაპის პროფესია აურჩევია.

ოჯახში ფატი გოკიელი უბადლო დედა და მეუღლეა. მაგრამ საზოგადოების წინაშე იგი მხოლოდ ამ მხრივ როდია პირნათელი. ისევე, როგორც ჩვენი ქვეყნის ქალთა უმრავლე-სობა, მასაც ოჯახის გარდა სხვა უფრო ფართო, საზოგადო-ებრივი ასპარეზი გააჩნია.

ადამიანის ცხოვრებაში შეუჩნევლად გაილალება ხოლმე დღეები, წლები... და როცა ერთი წუთით შეყოვნდები, გან-ვლილ გზას თვალს გადაავლებ, გაცდები, გაიკვირვებ — რა დრო გასულა?! მოგონებები გაინასკვებიან, კრიალოსანივით ჩამწკრივდებიან დროუჟამის გაბმულაზე.

მოგონებებს ფართო გასაქანი მისცემია ახლა. დოცენტ ფა-ტი გოკიელს ამას წინათ თბილისის უცხო ენათა პედაგოგი-ურ ინსტიტუტში საზოგადოებრიობამ დაბადების 60 წელი და სამეცნიერო-პედაგოგიური მოღვაწეობის 35 წლისთავი გადა-უხადა. ამ დღის სამახსოვროა მრგვალ მაგიდაზე დალაგებული საჩუქრები.

მოგონებები ბავშვობის ხანასაც სწვდებიან...

კარგი ოჯახი ჰქონდათ გოკიელებს. ფატის მამა გაბრიელ გოკიელი ქუთაისში ცნობილი ექიმი და საზოგადო მოღვაწე იყო. მის ოჯახში თავს იყრიდნენ მაშინდელი გამოჩენილი ადამიანები: კიტა აბაშიძე, ნიკო ნიკოლაძე, იოსებ ოცხელი. გაბრიელი ქუთაისის თეატრის მუდმივი ექიმი იყო და მსა-ხიობებთან გულითადი მეგობრობა აკავშირებდა. დიდად უყ-ვარდა ლადო მესხიშვილი, ვალერიან გუნია, ნუცა ჩხეიძე, ვა-ნო სარაჯიშვილი. ყველაზე სასიქადულო და საამაყო მეგობ-რად ოჯახში აკაკი წერეთელი ითვლებოდა.

ეს დღესაც იგრძნობა. ოთახში პოეტის უნიკალური პორ-ტრეტებია. მამის ოთახიდან გადმოინაცვლა ფატისთან იმ დიდმა ფოტოსურათმა, რომელზეც მოხუც აკაკის ვხედავთ. პოეტი სავარძელში ზის, მისი შთაგონებული მხერვა თეთრ სამოსში გამოწყობილ ფერიასავით გოგონაზე შეჩერებულია, გოგონა ფატი გოკიელია. მგოსანს მეგობრის ასულთან მოუ-სურვებია იუბილეს დღეებში სამახსოვრო სურათის გადაღება, ფატიმ ხომ მას ლექსი წაუკითხა და პოეტთან ერთად საზო-გადოების აღფრთოვანებაც დაიმსახურა.

ოთახში შემოდის ფატის მეუღლე, ჩვენი თეატრის თვალ-საჩინო მოღვაწე დოდო ანთაძე. ამასთან დაკავშირებით გვა-გონდება, რომ თეატრის სიყვარული, მისი ყოველი წარმატე-



ბისა თუ წარუმატებლობის გულთან ახლოს მიტანა, ქართული სცენისათვის გაწეული ამაგი, იმ დიდი მეგობრობის შედეგია, რომელიც აკავშირებს ფატის თავის მეუღლესთან. ამაზე მეტ-ყველებს ფ. გოკიელის თარგმნილი პიესებიც, რომლებიც სხვა-დასხვა დროს იდგმებოდა ჩვენს თეატრებში: ესენია ფრ. ვოლ-ფის „პროფესორი მამლოკი“, ტურისა და შეინინის „დაწუ-ნებული საქმრო“, „ჭიდილი“, შკვარკინის „სხვისი ბავშვი“, ტურის „სახლი შესახვევში“. ფატის მიერ თარგმნილი პიესე-ბიდან აღსანიშნავია აგრეთვე მოლიერის „ძალად ექიმი“, გო-რკის ღრამა „მტრები“, ოსტროვსკის „ტალანტები და თავყა-ნისმცემლები“.

ფატი გოკიელს მრავალმხრივი განათლება აქვს მიღებუ-ლი. წმინდა ნინოს სასწავლებლის დამთავრების შემდეგ, თბილისის სახელმწიფო უნივერსიტეტის რამდენიმე ფაკულ-ტეტზე სწავლობდა, დაამთავრა სიბრძნისმეტყველების (ფი-ლოსოფიის განხრით), ეკონომიკისა და იურიდიული ფაკულ-ტეტები. მას ტოვებენ ასპირანტურაში სამართლის თეორიისა და სამოქალაქო სამართლის კათედრაზე. შემდგომ წლებში ფატი გოკიელი პედაგოგიურ მუშაობას ეწევა.

1935-1937 წლებში ფ. გოკიელი მარჯანიშვილის სახელო-ბის თეატრთან არსებულ დამატულ სტუდიაში კითხულობს ლექციებს დასავლეთ ევროპის თეატრის ისტორიიდან, ხოლო შემდეგ, 1952 წლამდე, ქუთაისის პედაგოგიურ ინსტიტუტში ასწავლის მსოფლიო ლიტერატურის ისტორიის კურსს. სადაც არ უნდა იყოს ფატი გოკიელი, ყველგან დიდი ავტორიტეტით, სიყვარულითა და პატივისცემით სარგებლობს.

16 წლის წინ დაიცვა მან დისერტაცია თემაზე „ალორძინე-ბის ეპოქის ფრანგული სოციალურ-პატრიოტული ლირიკა“, რომელმაც ფილოლოგიის მეცნიერებათა კანდიდატის ხარის-ხი მოუპოვა.

ბოლო წლებში ამაგდარი პედაგოგი თბილისის უცხო ენა-თა ინსტიტუტში კითხულობს მსოფლიო ლიტერატურის ის-ტორიის კურსს. ფატი გოკიელი არის 20-მდე მეცნიერული შრომის ავტორი. მხატვრული ლიტერატურისა და საყურადღებოა მისი თარგმანები შტ. ცვაიგის „ლეგენდა მესამე მტრედზე“ და ცნობილი ფრანგი მწერალი ქალის ელზა ტრიოლეს რომანი „ვარდები ნისიად“.

მოგონებები კრიალოსანივით იკვანძებიან დროუჟამის გაბ-მულაზე. ჩამოიმარცვლა ერთი მათგანიც — იუბილეს დღეების მღელვარება და სიხარული.

ნორა ნორაკიძე



საბჭოთა კავშირის კომუნისტური პარტიის მთავარ საზრუნავს წარმოადგენს ადამიანი. ჩვენს ქვეყანაში ყველაფერი კეთდება იმისათვის, რომ საბჭოთა ადამიანებმა იცხოვრონ ლაღად და ბედნიერად.

უდიდესი ყურადღება აქვს დათმობილი საბჭოთა კავშირში დედათა და ბავშვთა დაცვის ყოველმხრივ გაძლიერების საქმეს. ამის ერთერთი გამომატკეველი ამ ოცი წლის წინათ, 1944 წლის 8 ივლისს გამოქვეყნებული სსრ კავშირის უმაღლესი საბჭოს პრეზიდიუმის ბრძანებულება „ორსული ქალებისათვის, მრავალშვილიანი და მარტოხელა დედებისათვის სახელმწიფო დახმარების გადიდების, დედათა და ბავშვთა დაცვის გაძლიერების, „გმირი დედის“ საპატიო წოდების დაწესების და „სახელოვანი დედის“ ორდენის და „დედობის მედლის“ შემოღების შესახებ“.



კანონი ითვალისწინებს სახელმწიფო დახმარებას იმ მრავალშვილიანი დედებისათვის, რომლებმაც შობეს და აღზარდეს სამი და მეტი შვილი. მარტოხელა დედებს სახელმწიფო დახმარება ეძლევა ერთ და მეტ ბავშვზე. დედა, რომელმაც შობა და პატიოსნად აღზარდა 5 შვილი, ჯილდოვდება II ხარისხის „დედობის მედლით“. 6 შვილის დედა ჯილდოვდება I ხარისხის „დედობის მედლით“. დედა, რომელმაც შობა და აღზარდა 7 შვილი ჯილდოვდება „სახელოვანი დედის“ III ხარისხის ორდენით, 8 შვილის დედა — „სახელოვანი დედის“ II ხარისხის ორდენით. 9 შვილის დედა იღებს „სახელოვანი დედის“ I ხარისხის ორდენს. იმ დედებს, რომლებმაც შობეს და აღზარდეს 10 და მეტი შვილი, სსრ კავშირის უმაღლესი საბჭოს პრეზიდიუმის 1944 წლის 8 ივლისის ბრძანებულებით ენიჭებათ „გმირი დედის“ უმაღლესი საპატიო წოდება, გადაეცემათ ოქროს ვარსკვლავი და სსრ კავშირის უმაღლესი საბჭოს პრეზიდიუმის სიგელი.



მხოლოდ გამარჯვებული სოციალიზმის ქვეყანაში, სადაც ყველაფერი ეკუთვნით მშრომელებს და ყველაფერი კეთდება მათს საკეთილდღეოდ, არის შესაძლებელი ისეთი დიდი სახელმწიფოებრივი მნიშვნელობის ღონისძიებების გატარება, რომლებიც გათვალისწინებულია ზემოთდასახელებული ბრძანებულებით.

მეფისდროინდელ რუსეთში საეკიმო დახმარების გარეშე მშობიარობდა ქალების 95 პროცენტი. 1913 წელს არსებობდა მხოლოდ 19 მუდმივი საბავშვო ბაგა 550 ბავშვისთვის. დღეს მარტო მახარაძის რაიონში მოქმედებს 21 მუდმივი საბავშვო ბაგა 460 ბავშვით და 26 ბაღი 898 ბავშვით. გარდა ამისა, სასოფლო-სამეურნეო სამუშაოებთან დაკავშირებით ყოველწლიურად ეწყობა 123 სეზონური ბაგა — 4842 ბავშვისათვის.

1944 წლის 8 ივლისის ბრძანებულების გამოცხადიდან დღემდე დიდი მუშაობაა გაწეული დედათა და ბავშვთა დაცვის გაძლიერებისა და მრავალშვილიანი დედების წახალისებისათვის

ჩვენს რესპუბლიკაშიც. გაიზარდა საშუალო და დაწყებითი სკოლების რიცხვი, აშენდა ახალი სამშობიარო სახლები და საბავშვო დაწესებულებები. ყოველწლიურად ათასობით ბავშვი მკურნალობს და იკაჟებს სხეულს რესპუბლიკის საუკეთესო კურორტებზე. ზაფხულობით დიდი რაოდენობით იხსნება პიონერთა ბანაკები და სხვა.

სსრ კავშირის უმაღლესი საბჭოს პრეზიდიუმის 1944 წლის 8 ივლისის ბრძანებულების შესაბამისად საქართველოს სს რესპუბლიკაში „სახელოვანი დედის“ ორდენებით და „დედობის მედლით“ დაჯილდოებულია 150.990 მრავალშვილიანი დედა, რომელთაც შობეს და აღზარდეს 5 და მეტი შვილი. 1588 დედას მინიჭებული აქვს „გმირი დედის“ საპატიო წოდება.

მრავალშვილიანი და მარტოხელა დედებისათვის ჩვენს ქვეყანაში შექმნილია ყველა აუცილებელი პირობა იმისათვის, რომ მათ აქტიური მონაწილეობა მიიღონ სამრეწველო და საკომლენურნეო წარმოებაში, ხოლო თავიანთ შვილებზე ზრუნვა კი მიანდონ საბავშვო დაწესებულებების კვალიფიციურ აღმზრდელთა მრავალრიცხოვან არმიას.


მახარაძის რაიონის სოფელ მაკანეთის მცხოვრები, გმირი დედა მარო ბესარიონის ასული ნაცვალაძე, რომელმაც გაზარდა და დააოჯახა 10 შვილი, კეთილსინდისიერად მუშაობს კოლმეურნეობაში. მარო ნაცვალაძე საზოგადოებრივ საქმიანობაშიც აქტიურობს, არის რაისაბჭოს აღმასკომთან არსებულ ქალთა საბჭოს წევრი.

ოჩამჩირის რაიონის სოფელ კუტოლის კოლმეურნეობის წევრია შურა გოგონია. მას მიღებული აქვს „სახელოვანი დედის“ I, II და III ხარისხის ორდენები და I ხარისხის „დედობის მედალი“. ბოლნისის რაიონის სოფელ არახლოს საბჭოთა მეურნეობის მუშა, გმირმა დედამ ფატმა მამედმა წელს ვალდებულება იკისრა, რომ ნახევარ ჰექტარ მიწის ფართობზე მოიყვანოს 10 ტონა კარტოფილი. ასეთივე გადიდებული ვალდებულებები აქვთ ნაკისრი მახარაძის რაიონის ლაითურის ჩაის საბჭოთა მეურნეობის მოწინავე ჩაის მკრეფავეს, 9 შვილის დედას ა. დოლიძეს, ბოლნისის რაიონის სოფელ საფარლოს კოლმეურნეობის მწველავს, 10 შვილის გმირ დედას ი. რაგიმოვას და სხვებს.

იმ დიდი ზრუნვის საპასუხოდ, რასაც საბჭოთა მთავრობა იჩენს მრავალშვილიანი დედებისადმი, ჩვენი რესპუბლიკის გმირი დედები მთელი მონდომებით შრომობენ, ღირსეული წვლილი შეაქვთ კომუნისტური საზოგადოების შენების საქმეში.

პ. ცაგარეიშვილი,

საქართველოს სსრ უმაღლესი საბჭოს პრეზიდიუმის დაჯილდოების განყოფილების გამგე.



მუსიკა, ხელოვნების ერთერთი უღამაზესი
ახეობა, ჭეშმარიტ ესთეტიკურ ხიამოვნებას ანი-
ჭებს ადამიანს.

მოდით, ახლა უფრო ღრმად ჩავეყვდეთ ამ
სამყაროს, ზოგადად მაინც გავგეცნოთ მის მთა-
ვარ ჟანრებს, იმ მნიშვნელოვან ელემენტებს,
რომელთაგანაც მუსიკა შედგება.

მუსიკალური ხელოვნების ორი ძირითადი
ჟანრი ამსებობს: ვოკალური და ინსტრუმენტუ-
ლი. პირველი მათგანი დაკავშირებულია ადამია-
ნის ხმასთან და მას მიეკუთვნება ყველაფერი,
რაც სიმღერით სრულდება. იტალიური სიტყვა
„ვოკალ“ ხომ ხმას ნიშნავს. ინსტრუმენ-

უწინარეს ყოვლისა იმიტომ, რომ ამ ოპერებში
უხვადაა ჯგუფები მელიოდები.

ვოკალური მუსიკის ყველაზე პოპულარული,
გასაგები და საყვარელი ჟანრია ოპერა.

ჩაიკოვსკიმ მას ყველაზე დემოკრატიული ჟან-
რი უწოდა. „ოპერა და მხოლოდ ოპერა გაახლო-
ებთ ხალხთან, ანათესავენს თქვენს მუსიკას მსმე-
ნელთან. მისაწვდომს გსდით არა მარტო ცალ-
კუული, პატარა წრეებისათვის, არამედ მთელი
ხალხისათვის“ — წერდა იგი.

საოპერო ჟანრი მე-16 საუკუნეში დაიბადა
და ფართო მასების დიდი სიყვარული დაიმსა-
ხურა.



ნათლება ჰქონდათ მიღებული, მაგრამ მუსიკა
ძალზე უყვარდათ.

„ვერიდიკა“ შესრულდა არა სცენაზე, არამედ
ფლორენციის ერთ-ერთ სახლში, სადაც ხელო-
ვნების დიდი ენთუზიასტები შეიკრიბნენ. მღე-
როდენე თვით ავტორები და მათი მეგობრები
სხვადასხვა საკრავების თანხლებით. პირველ
ოპერას სიუჟეტურ საფუძვლად დაედო ძველი
ბერძნული ლეგენდა: უღამაზესი ხმის მქონე
მომღერალმა — ორფეოსმა მუსიკის ძალით მოა-
ჯადოვა ავი სულები და თავისი საყვარელი
მეუღლე ვერიდიკა ჯოჯოხეთიდან დაიხსნა.

საოპერო ჟანრი უფრო და უფრო პოპულა-
რული ხდება — იგი იქმნება საფრანგეთში,
გერმანიაში, რუსეთში, ჩეხეთში.

საქართველოში საოპერო ჟანრმა მე-19 საუკუ-
ნის შუაწლებში მოიკიდა ფეხი. თბილისში იმ-
ხანად ჩამოდიოდნენ იტალიური, ფრანგული,
რუსული დასები, რომლებიც სხვადასხვა ოპერე-
ბიდან ნაწყვეტებს დგამდნენ. თბილისში, მაღა-
ლი კულტურისა და ტრადიციების მქონე ქალაქ-
ში, ყოველთვის მოუხაროდათ გამოჩენილ მუსი-
კოსებს.

თბილისის საოპერო თეატრი 1851 წლის 9
ნოემბერს გაიხსნა ცნობილი იტალიელი კომპო-
ზიტორის დონიცეტის ოპერით — „ლურია დე
ლამერმური“.

გასული წლის ნოემბერში ჩვენს სცე-
ნაზე ამ ოპერის პრემიერა შესდგა. რასაც ქარ-
თველი მსმენელი დიდი სიამოვნებით შეხვდა.
ოპერა ძლიერ მელიოდური და ლამაზია, თანაც
მას ჩვენთვის გარკვეული ისტორიული მნიშ-
ვნელობა აქვს — სწორედ „ლურია დე ლამერმ-
ური“ დაიწყო ჩვენში საოპერო ჟანრის პოპულა-
რიზაცია.

საქართველოში საოპერო ჟანრის პროპაგანდა-
ში დიდი როლი შეასრულეს იტალიელებმა. მა-
თი საოპერო დასი დიდხანს იმყოფებოდა თბი-
ლისში. შემდგომ, თეატრის დირექტორად ცნო-
ბილი კომპოზიტორი იპოლიტო-ვიანოვი მოიწ-
ვიეს, რომელმაც ქართველ მსმენელს რუსი კომ-
პოზიტორების საუკეთესო ოპერები გააცნო.

მეოცე საუკუნის დასაწყისში ჩვენი თეატრის
სცენაზე პირველად აქედრდა ქართული ოპერა.
ეს იყო ჭეშმარიტი ეროვნული დღესასწაული.
თეატრის ისტორიაში ოქროს ფურცლად შევიდა
1919 წელი. ამ წელს სამი საუკეთესო ერო-
ვნული ოპერა დაიდგა სცენაზე: ზ. ფალიაშვილის
„აბესალომ და ეთერი“, ვ. დოლიძის „ქეთო და
კოტე“ და დ. არაყიშვილის „თქმულბა შოთა
რუსთაველზე“.

მუსიკის საზოგადოება

ტული მუსიკა, როგორც თვითონ სიტყვა გვიჩ-
ვენებს, რომელიმე საკრავთან, ინსტრუმენტთან
არის დაკავშირებული.

ვოკალური მუსიკის მთავარი შინაარსი მუ-
დამ ძირითადი მელიოდით გადმოიცემა, მელიო-
და კი მჭიდრო კავშირშია სიტყვასთან, ტექს-
ტთან. ამიტომაც, ვოკალური მუსიკა უფრო გა-
საგებია, ადვილად მისაწვდომია ფართო მსმე-
ნელისათვის, ვიდრე ინსტრუმენტული. ერთიდა-
იგივე მელიოდია ჯერ ხმით და სიტყვებით რომ
იმღეროთ, მერე კი რამე საკრავზე შეასრულოთ,
პირველი ბევრად უფრო იოლი ასათვისებელი
იქნება — აქ, მუსიკის გაგებაში ხომ ტექსტი,
სიტყვა დაგვეხმარა.

უხსოვარ დროში, ადამიანმა დაკვრავზე ადრე
სიმღერა ისწავლა. მაც სურდა სიმღერაში აესა-
ხა საკუთარი გრძნობები, განცდები, გარემომ-
ცველი ცხოვრების ბევრი მოვლენა. აი, სწორედ
მისინ დაიბადა ვოკალური მუსიკის პირვანდე-
ლი ნოშუშები. რასაკვირველია, თავდაპირველად
არ არსებობდა არც ოპერა, არც რომანსი, არც
ოპერეტა — ვოკალური მუსიკის უმაღლესი ჟან-
რები. გაჩნდა ვოკალური მუსიკის სულ მარტივი
ფორმა — სიმღერა. დროთა განმავლობაში ყველა
ხალხმა თავისი საკუთარი სასიმღერო ხელო-
ვნება შექმნა, რომელშიც მისი ისტორიული წარ-
სული, ერის ტიპური თვისებები აისახა.

ხალხური მუსიკა, ადამიანის ყველაზე საყვარ-
ელი და პოპულარული ჟანრი, ვოკალური მუ-
სიკის პირველი საფუძველი იყო. გესმით „მუმ-
ლი მუხასა“ ან „მრავალჟამიერი“, „ქართვე-
ლო, ხელი ხმალს იკარ“ ან „ოდოია“ და თქვენს
წინაშე მთელი ერი წარმოსდგება; მისი ბრძო-
ლა თავისუფლებისათვის, მისი თანდაყოლილი
ხალისი და მხიარული ბუნება, მისი გარჯა და
შრომისმოყვარეობა.

არც ერთი საკრავი არ შეედრება ადამიანის
ხმის გამომსახველობით უნარს. ამიტომაც კომ-
პოზიტორები მუდამ ცდილობდნენ შეექმნათ
მკაფიო, დასამახსოვრებელი ვოკალური მელი-
ოდები, რომელთა საფუძველზე ხელოვნების უკ-
ვდავი ქმნილებანი წარმოიქმნა.

რამდენჯერ გვაქვს მოსმენილი „აბესალომ და
ეთერი“ და „დაისი“, „ტრავიატა“ და „პიკის
ქალი“, „აიდა“ და „ვეკენი ონგენი“, და, მუ-
დამ ახლებურად აღვიჭვამთ მათ მშვენიერებას.

მრავალმა ქვეყანამ, ხალხმა, ერმა შექმნეს ისე-
თი საოპერო ნაწარმოებები, რომლებიც მთელი
კაცობრიობისათვის ცნობილი გახდა. მათ გზა
გაიკაფეს მილიონობით მსმენელის გულისაკენ.
ბევრად ადრე, ვიდრე ოპერა დამოუკიდებელ
ჟანრად ჩამოყალიბდებოდა, მუსიკა მჭიდროდ
იყო დაკავშირებული თეატრთან, სცენასთან.

სახალხო დღესასწაულებზე, თამაშა თუ გარ-
თობას, ყოველთვის თან ახლდა მოქმედება, მუ-
სიკა, ცეკვა. ასეთ სანახაობებზე დიდძალი ხალ-
ხი იკრიბებოდა. და თვით ქმნიდა აქვე, დღესას-
წაულებზე, ამ სანახაობებს. ერთნი იგონებდნენ
შინაარსს, მეორენი — მუსიკას, სხვები ცეკვა-
დნენ. ასეთ წარმოდგენებში ხალხი დასცილოდა
მდიდრებს, დიდებულებს. ასეთი იყო ქართული
ყვენობაც — უძველესი მასობრივი ხალხური
სანახაობა. მასში მუსიკოსთა მთელი დასტები
მონაწილეობდნენ, უკრავდნენ სხვადასხვა საკ-
რავებზე (საყვირი, ზურნა, ჩონგური, ფანდური,
გარმონი), მღეროდნენ, ცეკვავდნენ.

მუსიკა სულ უფრო და უფრო ღრმად იჭრე-
ბა თეატრში. მე-16 საუკუნეში კი, იტალიაში,
დაიბადა დამოუკიდებელი ჟანრი, რომელსაც
ოპერა უწოდეს. „ოპერა“ სიტყვასიტყვით, ლა-
თინურად ნიშნავს მოქმედებას, შემთხვევას. მას-
ში მთელი შინაარსი გადმოცემულია მუსიკით,
უმთავრესად ვოკალით. ოპერის დაბადებას სწო-
რედ იტალიაში მრავალმა გარემოებამ შეუწყო
ხელი.

იმ დროს იტალია ევროპის ერთერთ ყველაზე
განვითარებულ ქვეყნად ითვლებოდა. მას აღორ-
ძინების ეპოქის სამშობლო ეწოდა, სამშობ-
ლო მსოფლიოში ყველაზე მოწინავე აზროვნე-
ბისა, მეცნიერებისა და ხელოვნებისა. აქ დაი-
ბადნენ ჯორდანო ბრუნო და გალილეი, ლეო-
ნარდო და ვინჩი და მიქელ ანჯელო, პეტრარ-
კა და რაფაელი. ბუნებრივია, რომ კულტურის
საერთო აღმავლობამ მუსიკის აღმავლობაც გა-
მოიწვია. მეორე მნიშვნელოვანი ფაქტორი იყო
იტალიელების საოცარი, თანდაყოლილი მუსი-
კალობა, უდიდესი სიყვარული, რაღაც შინაგანი
მოთხოვნილება სიმღერისა.

მსოფლიოში პირველ ოპერას „ვერიდიკა“
ეწოდა. მისი ავტორი იყო ორი მუსიკოსი —
პერი და კაჩინი. ისინი არც კომპოზიტორები
იყვნენ და არც სპეციალური მუსიკალური გა-

ხასიათის, შინაარსის, განწყობის მიხედვით ოპერა სხვადასხვაგვარია: ისტორიული, პატრიოტული, ლირიკული, კომიკური, ზღაპრული, დრამატული, ყოფითი და ა. შ.

ყოველ ოპერას გარკვეული ტექსტი, შინაარსი უდევს სიუჟეტად. მაგრამ ტექსტი წინასწარ უნდა გადაამუშავდეს, რომ მოსახერხებელი იქნეს სიმღერისათვის. ასეთ გადაამუშავებულ ტექსტს ლიბრეტოს უწოდებენ. ასე, მაგალითად, „აბესალომ და ეთერი“ ძველი ქართული ლეგენდის „ეთერიანის“ მიხედვით არის დაწერილი. იგი საოპერო ლიბრეტოდ გადაამუშავა ცნობილი ქართველმა ლიტერატორმა პეტრე მირიანაშვილმა. ვერდის „ტრაჯედა“ შექმნილია შვილი დიუმას ცნობილი რომანის — „ქალი კამელიტებით“ მიხედვით, ხოლო ჩაიკოვსკის „ევენი ონგინი“ — პუშკინის ამავე სახელწოდების რომანის მიხედვით.

ხანგრძლივი გზა განელო ქართულმა საბჭოთა ოპერამ. თავიდანვე მასში ჩვენი თანამედროვეობა აისახა. მრავალი ოპერა შეიქმნა საქართველოში. მაგრამ, ყველა როდი შერჩა სცენას, მათი სუსტი მხარეების გამო. უფრო მეტიც, მრავალი წლის განმავლობაში საოპერო ჟანრი ყველაზე ჩამორჩენილი ჟანრი იყო ქართულ მუსიკაში. ეს გარემოება დამახასიათებელი იყო არა მარტო ქართული, მთელ საბჭოთა მუსიკალური კულტურისათვის. არა ერთხელ, და სავსებით სამართლიანად, უსაყვედურებიათ კომპოზიტორებისათვის, რომ ოპერა, ხალხისათვის ყველაზე საყვარელი ჟანრი, ჩამორჩა მსმენელის მოთხოვნილებებს. ბევრი კარგი ოპერა შეიქმნა საქართველოში, რომლებიც ნამდვილად ყურადღების ღირსია. არჩილ კერესელიძის „ბაში-აჩუკი“ და შალვა მშველიძის „ამბავი ტარიელისა“, ალექსანდრე ბუკიას და ვანო გოციოლის საბავშვო ოპერები — „დაუპატივებელი სტუმრები“ და „წითელქუდა“ და დავით თორაძის „ჩრდილოეთის პატარძალი“.

ამ უკანასკნელ წლებში შეიქმნა ორი შესანიშნავი ოპერა: შალვა მშველიძის მონუმენტური-დრამატული „დიდოსტატის მარჯვენა“ (კ. გამსახურდიას რომანის მიხედვით) და ოთარ თაქთაქიშვილის ლირიკულ-ფსიქოლოგიური „მინდია“ (ვაჟას მიხედვით). მართალია, არც ერთი მათგანი არ არის თანამედროვე თემაზე დაწერილი, მაგრამ თავისი იდეურ-ესთეტიკური პრინციპებით, ახალი გამომსახველი ხერხებით, მუსიკალური ენით და წარსულის თანადროული გაგებით და აღქმით ეს ოპერები სწორედ დღევანდელ დღეს ემზადებიან. მათი გმირები ხალხის წიაღიდან არიან გამოსული: ხალხის შინაგანი ძალისა და ნიჭის მატარებელი არსაკიდე და ამაღლებული სულის, კეთილშობილი, კაცთმოყვარე მინდია. ტყუილად კი არ დამკვიდრდა ეს ორი ოპერა ჩვენს სცენაზე.

თანამედროვე, საბჭოთა ოპერების ერთერთი ყველაზე დიდი ოსტატია ჩვენი დროის გენიალური ხელოვანი სერგეი პროკოფიევი. ჩვენს მუსიკალურ ცხოვრებაში მნიშვნელოვანი მოვლენა მოხდა: თბილისის ოპერის თეატრის სცენაზე ახლახან დაიდგა პროკოფიევის ერთერთი საუკეთესო ოპერა „სემიონ კოტკო“.

მირა ზინხაძე

რვენი საოჯახო ქრუბნი

პიონის რჩევა

ღმრთა კუკუ გვეჯლი...

როცა ბავშვს ძუძუ არ ჰყოფნის, დედა ნერვიულობს, ღელავს და რძე უფრო ეკარგება.

არა და, არსებობს სულ უბრალო საშუალებები, რომელთა დახმარებით ხშირად ქალი ახერხებს რძის შენარჩუნებას.

ამათგან უპირველესი (და ამავე დროს ზოგადიც და მთავარიც!) იმაში მდგომარეობს, რომ ორსულობის დაწყებისთანავე მტკიცედ დავიცვათ შრომის, დასვენებისა და კვების რეჟიმი და ყოველმხრივ ვეცადოთ დავზოგოთ ჩვენი ნერვული სისტემა: არ ვიძლეოთ წვრილმანებზე, ვეცადოთ მხნე და მზიარული ვიყოთ. დიახ, დიახ, ნუ გავიკვრებთ: მშვიდსა და თავისი ცხოვრებით კმაყოფილ ქალებს რძე მეტი აქვთ, ვიდრე იმათ, ვინც არ უფრთხილდება თავის ნერვებს და სულ უმნიშვნელო, წვრილმანი უსიამოვნების გამო წონასწორობიდან გამოდის.

ცნება „გონივრული რეჟიმი“ ნიშნავს არა მარტო მშვიდ ცხოვრებას, საკმარის ძილს, სუფთა ჰაერზე სისტემატურ სეირნობას და გამამხნევებელ ფიზკულტურულ ვარჯიშს, არამედ ხილითა და ბოსტნეულით მდიდარ, სრულფასოვან კვებასაც დღეში 3-4-ჯერ. ძალიან კარგია ყოველდღიურად ტანის დაბანვა წყალმდე, თბილი წყლით. ეს პროცედურა ამშვიდებს ნერვებს, საუცხოოა ჰიგიენური თვალსაზრისით და შესანიშნავად მოქმედებს რძის გამოყოფაზე.


თავისთავად ცხადია, წინასწარ, როგორც წესი, უნდა დამუშავდეს სარძეო ჯირკვლები, უნდა გავიკეთოთ მასაჟი, მოვიბანოთ თბილი წყლით ძუძუს კერტები და შევიძმარალოთ უხეში, ხაოიანი პირსახოცი.

დიდი მნიშვნელობა აქვს ბავშვის კვებას განსაზღვრულ საათებში და საკმარის შუალედების დაცვას (3-3,5 საათი).

ზოგჯერ რძის უკმარისობა უკვე ლოგონობის პირველ დღეებიდანვე იწყება და გამოწვეულია ორგანიზმის ინდივიდუალური თავისებურებით. მაგრამ ამ შემთხვევაშიც არ უნდა დავიკრიფოთ გულგული და მთელი იმედი ხელოვნურ კვებაზე არ უნდა დავამყაროთ. არა, ჩვენ კიდევ უნდა ვიბრძოლოთ დღეში ორჯერ, მორიგ კვებამდე 15-20 წუთით ადრე, ჩავიტაროთ ძუძუს მასაჟი. არავითარ შემთხვევაში არ მივცეთ ბავშვს ორივე ძუძუ ერთ კვებაზე; თუ ასე მოვიქცით, ბავშვი მიეჩვევა ადვილად გამოსაწოვი პირველი ულუფის მიღებას და დანარჩენი რძის გამოსაწოვად შრომის გაწევა დაეზარება. კვების შემდეგ ძუძუში დარჩენილი რძე აუცილებლად ბოლომდე უნდა გამოვიწველოთ, რომ რძე არ გადახურდეს. თუ რაიმე მიზეზის გამო ერთი კვების გამოტოვება მოგვიხდა, ძუძუ, სულერთია, მაინც უნდა გამოვიწველოთ.

რძის მოსამატებლად დედებს ასეთ რჩევას აძლევენ: ვიდრე ბავშვს აჭმევდეს, ნახევარი საათით ადრე მიიღოს რაიმე ტკბილეული: ერთი კოვზი თაფლი, 10-15 გრ მარმელადი, ცოტაოდენი ხილი ან ხილ-ბოსტნეულის წვენი (ნახევარი ჭიქა).

მეტქუტრ ქალს ვიტამინებით მდიდარი საკვები სჭირდება, განსაკუთრებით კი — ვიტამინი C. ამ ვიტამინს უდიდესი რაოდენობით შეიცავს ასკილი, შავი მოცხარი და ლიმონი. ამათი წვენი მეტქუტრმა ქალმა დღეში უნდა მიიღოს 150-200 გრ რაოდენობით. სასურველია, რაც შეიძლება მეტი სტაფი-



ლოს, მწვანე სალათისა და ისპანახის მიღება: მთში შემავალი ვიტამინი A, ყველაფერს რომ თავი დაეანებოთ, ბავშვს იცავს ინფექციისაგან. რძის გამოყოფას ხელს უწყობს ვიტამინი B₁ (მისი ნორმა მეძუძური ქალისათვის 3 მილიგრამია), ვიტამინი PP (2,5 მილიგრამია), ვიტამინი E. ამ ვიტამინს შეიცავს ქაშაყი, ნელი ნიგოზი.

მეძუძური ქალის რაციონში უნდა შედიოდეს მინერალური მარილები, რითაც მდიდარია, მაგალითად, წიწიბურა (გრეჩიხა). სასარგებლოა სოკოს კერძებიც.

მეძუძურმა ქალმა სითბე უნდა მიიღოს 2-4 ჭიქით მეტი, ვიდრე ადრე იღებდა. მეტი სითბის დაღვევას არავითარი აზრი არა აქვს. სპირტიან სასმელებს კატეგორიულად უარი უნდა ეთუხრა. მცდარია ის აზრიც, თითქოს ლუდი ხელს უწყობს რძის მომატებას.

ხშირად კარგ ეფექტს იძლევა ჰორმონალური პრეპარატები: გამმინი და პროლაქტინი, რომლებიც, რა თქმა უნდა, ექიმმა უნდა დაგვინიშნოს.

ასე რომ, უმეტეს შემთხვევაში, თუ დედამ დაიცვა ჰიგიენისა და სხვა ზემოთაჩოთვლილი წესები, მას შეეძლება უზრუნველყოს თავისი პატარა ძეგული.

ი. ელიზაროვა,

მედიცინის მეცნიერებათა კანდიდატი.

თებს, რათა ბავშვის ორგანიზმი არ გადაიღობოს.

ვარჯიშები უნდა იყოს მარტივი და საინტერესო.

განსაკუთრებული ყურადღება მივაქციოთ ცხვირით ღრმა სუნთქვას. ჩვენ რომ ბავშვს დავუწყებთ იმის ახსნა, თუ რა მნიშვნელობა აქვს ცხვირით ღრმა სუნთქვას, ამას ის ვერ გაიგებს და ვერც დაიმახსოვრებს. ამიტომ უმჯობესია მივმართო ხატოვან გამოთქმებს, ასე მაგალითად, — „ვისაც პირი ღია ექნება, მას პირღას დაუძახებენ!“ და სხვა.

ჩვენს მიერ რეკომენდებული ვარჯიშები შეიძლება ორ ჯგუფად დაიყოს:

ვარჯიშები უსაგნოდ და ვარჯიშები საგნებით.

უსაგნოდ ჩატარებულ ვარჯიშებს შორის ბავშვებისათვის ყველაზე საინტერესო და მისაწვდომია ე. წ. მიმბამძვლობითი ვარჯიშები (რომლებსაც სახალისო შეიძლება ეწოდოს) და საერთო განმავითარებელი ვარჯიშები.

საგნებით ვარჯიშებში გამოყენებული გვაქვს ვარჯიშები ალმებით, ბურთებით და სალტით. შეიძლება გამოვიყენოთ ტანვარჯიშული ჯოხები, სახტუნებლები, კიბე და სხვა.

მკლავები განზე გავიტანოთ. გავიმეოროთ 3-4 ჯერ. გართულების მიზნით გადავადოთ იატაკზე დალაგებულ ნივთებს.

II ვარჯიში: „დიდი და პატარა“. — ბობო: „ენქელა პატარაა, პატარაა...“ — ბუქნას ვაკეთებთ, თან ხელებით ვაჩვენებთ პატარას. — „ალვის ხე დიღია, დიღია...“ ვდგებით, ცერებზე ვიწვეით, თან ხელებს მალა ვწვეთ. გავიმეოროთ 4-6-ჯერ.

III ვარჯიში: „დიდგულა მამალი“. — შევდგეთ სკამზე ან ტახტზე, თავი ამაყად ავწიოთ მაღლა და ხელების ტანზე დატყაპუნებით მამალივით დავიყვილოთ.

გავიმეოროთ 3-4-ჯერ. გართულების მიზნით ტახტზე შევხტეთ და ჩამოვხტეთ.

IV ვარჯიში: „პური თონეში“. — ფეხები განზე, ხელებით ცომი მოვზილოთ, წელში მოხრით „პური“ ხან მარჯვნივ, ხან მარცხნივ ჩავაკრათ.

გავიმეოროთ 4-6-ჯერ.

V ვარჯიში: „ჩაის კრეფა“. — ფეხები განზე გავდგათ, წელში ოდნავ მოვხაროთ და ხელების მარჯვნიდან მარცხნივ გატანით მივბამძოთ ჩაის მკრეფავებს. „მოკრეფილი ჩაი კალათში ჩავყაროთ.“ ვარჯიში შევასრულოთ ორივე მხარეს. „კალათში ჩაყარის“ დროს წელში გავიმართოთ.

გავიმეოროთ 3-4-ჯერ.

VI ვარჯიში: „ბაჭია ბოსტანში“. — მუშტები შუბლთან მივიტანოთ, საჩვენებელი თითები გავმართოთ. ვიხტუნაოთ სკუპსკუპით.

გავიმეოროთ 4-6-ჯერ.

VII ვარჯიში: „პუბლების ფრენა“. — მკლავები განზე გავიტანოთ და ზევით-ქვევით ქნევით ოთახში ვიაროთ.

გართულების მიზნით შევხტეთ სხვადასხვა საგნებზე.

გავიმეოროთ 4-5-ჯერ.

VIII ვარჯიში: „ზღარბი“. ვიაროთ ჩვეულებრივად, ძახილზე — „ზღარბი!“ ჩავბუქნოთ და ზურგზე გადავკოტრაილდეთ.

გავიმეოროთ 3-4-ჯერ.

ანალოგიური ვარჯიშების შერჩევა ყველას შეუძლია. ასე, მაგალითად, შეგვიძლია გამოვიყენოთ: პინგვინების სიარული, შემის ჭრა, ცხენის ქენება, მატარებელი, მოკრივე, გამალაშინება და სხვა მრავალი.

გ. პირამლაშვილი,
სპორტის ოსტატი.

ფიზიკური ვარჯიშების შესრულება

ფიზიკური აღზრდის ყველა საშუალებებიდან სკოლამდელი ასაკის ბავშვებისათვის ყველაზე მიზანშეწონილია დილის ვარჯიშის ჩატარება. ვარჯიში ჩაეატაროთ პაერზე ან ღია ფანჯარასთან. ვარჯიში დავიწყებთ და დაეამთავროთ ადგილზე სიარულით.


ვარჯიშების შერჩევისას გამოვიყენოთ დიდაქტიური პრინციპები, მარტივიდან გადავიდეთ რთულზე, ნაცნობიდან უცნობზე და სხვა.

ვარჯიშის შესრულებისას ბავშვები ხშირად თაკილობენ იმის თქმას, რომ დაიღობენ, ამიტომ ჩვენ დიდი დაკვირვება გვმარ-

მიზანმიმართული ანუ სახალისო ვარჯიშები

ამ ვარჯიშებში ბავშვები ჰბამავენ ნაცნობ ფრინველებსა და ცხოველებს, ასრულებენ სხვადასხვა შრომითი პროცესების დამახასიათებელ იმიტაციურ მოძრაობებსა და სხვა. აქ განსაკუთრებით კარგად მკლავდება ბავშვის ფანტაზია. ამ ჯგუფის ვარჯიშებს ფიზიკური აღზრდის გარდა ესთეტიკური მნიშვნელობაც აქვთ.

I ვარჯიში: „წერო დაღის ჭაობში“. — მუხლი ავწიოთ მაღლა და გავიტანოთ წინ. ასე ვიაროთ ხან ერთი, ხან მეორე ფეხის გადაბიჯებით. ფეხის ყოველ გადადგმაზე



პედაგოგიური სერვისი



ლოგინის თეთრეულის მოვლა

ახალი ზეწრები, ბალიშისპირები და შალითები (ჩიხოლები) ხმარების წინ უნდა გაირეცხოს. წინააღმდეგ შემთხვევაში, ქონი და კანი სხვადასხვა გამონაყოფით დასტოვებს მასზე ლაქებს, რომელიც აღარ მოსცილდება. თეთრეული რამდენიმე საათით თბილ საბნინა წყალში უნდა დალბეს. მისი გამოხარშვა არ არის საჭირო. ფერადი თეთრეული წინასწარ დაუღობობლად უნდა გაირეცხოს ცივ წყალში, გარეცხვის შემდეგ კი იქამდე უნდა ვუცვალოთ წყალი, ვიდრე სუფთა წყალი არ გაუვა.

ყურადღებით ადევნეთ თვალყური თეთრეულს. ძალიან ნუ დასვრით, რომ რეცხვის დროს ბევრი სრესვა არ დასჭირდეს. გარეცხვა უმჯობესია საბნინა ხსნარში. შემდეგ თეთრეული კარგად უნდა გაავლოთ, თორემ მასზე შერჩენილი საბნინა ჰამს ქსოვილს.

ხაოიანი პირსახოცები არ უნდა დაუთოვდეს, რადგან უთოსაგან ხაო იგლისება და უხეშდება.

უხმარი თეთრეული კარადაში დებისაგან იძებება, ცვდება, ამიტომ დროგამოშვებით თეთრეული, რომელსაც არ ვხმარობთ, მაინც უნდა გაირეცხოს.

თეთრეულის გასაფენი თოკი რომ დიდხანს გვემსახუროს და ამავე დროს რბილიც იყოს, უნდა გამოვხაროთ საბნინა წყალში.

ზამთარში თეთრეული თოვზე არ მიიყენება, თუ უკანასკნელი გავლებისას წყალში ჩავემატებთ მარილს. თეთრეულის დაფენვისას რომ ხელები არ წაგვეყინოს, წინასწარ ძმრით უნდა დავისრისოთ.

ლიმონის რამდენიმე წვეთით შეიძლება

გაიწმინდოს დანის პირი (ფადავუსვათ ლიმონი და უცბათ გავწმინდოთ); ქსოვილს მოვაცილოთ ენგის ლაქა; სუფრას მოვაცილოთ ჩაის ნაყენის ლაქა; გავწმინდოთ მუქი ტყავის ხელჩანთა; ამოვიყვანოთ მელნის ლაქა.



სულ ცოტა ძმარი

წყალში გარეული, ელასტიურობას ანიჭებს ტყავის ხელთათმანებს და ტრიკოტაჟის ნაწარმს;

აცილებს ხილის ლაქებს (ლაქიანი ადგილი დაასველეთ ძმრით და რამდენიმე ხნის შემდეგ მთლიანად გარეცხეთ);

კარგად წმინდავს პირსახანის ბაკანს და აბაზანას.

თუ ორ სუფრის კოვზ ძმარს ჩავემატებთ თმაზე გადასაველებ წყალს, თმა ბზინვას დაიწყებს;

ესაც მარილი

თუ რამდენიმე მარცვალ მსხვილ მარილს დავემატებთ ყავას მოხარშვის წინ, ეს გაძლიერებს ყავის არომატს.

შუშის ჭიქები და ბოთლები გამჭვირვალეობას და ბროლივით ბრწყინვალეობას მიიღებს, თუ მათ მარილიან წყალში გავრეცხავთ და შემდეგ ცივ წყალში გავავლებთ.

თუ ტაფის ან ქვების ძირი მოგეწვათ, დააყარეთ ფსკერზე სქლად მარილის ფენა და დატოვეთ ასე რამდენიმე საათის განმავლობაში. ჭურჭლის ძირი გასუფთავდება.

სამზარეულოს ღუმელს ქონის ლაქები შეიძლება ასე მოაცილოთ: ცხელ ღუმელს დააყარეთ მარილი და გაუსვით გაზეთის ქაღალდი.

აბრეშუმისა და სატინის მუქი ფერის ტანსაცმელი დიდხანს შეინარჩუნებს ელვარებას, თუ გარეცხვის შემდეგ გაავლებთ მარილიან ცივ წყალში (5 ლიტრ წყალზე 125 გრ მარილი). ასევე შეინარჩუნებს პეწს აბრეშუმის ჭრელი კაბები, ქვედატანები და ბლუზები.

თუ ტანსაცმელზე ქონის ლაქა მოგხვდება და მაშინვე ხელთ არა გაქვთ არავითარი ლაქის გამოსაყვანი საშუალება, ლაქას უნდა დააყაროთ მარილი და ფრთხილად გასრისოთ. მარილი რამდენიმეჯერ გამოცვალეთ, ვიდრე ლაქა არ გაქრება.



სველ შუშას ცეცხლი რომ ჩქარა მოეიდოს, არაა საჭირო მაინცდამაინც ნავთის დასხმა, საკმარისია მოაყაროთ ცოტაოდენი ხოშხოშა მარილი.

ცოცხი გამაგრდება და ისე ჩქარა აღარ დატყდება, თუ ხმარების წინ 2-3 საათით დაასველებთ ცხელ მარილწყალში.

რედაქტორი
თეო აბაშმაძე

სარედ. კოლეგია: მ. ბარათაშვილი, ე. ბაღდავაძე, ნ. გურგენიძე, ე. თავაძე, მ. კალანდაძე (პ. მგ. მდივანი), ზ. კვაჭაძე, თ. ლაშქარაშვილი, ბ. მჭედლიძე, ვ. სირაძე, ქ. სიხარულიძე, ნ. შალუტაშვილი, ლ. შენგელია (მხატ. რედაქტორი), ნ. ჯავახიშვილი.

საქ. კვ. ცენტრალური
კომიტეტის
გამომცემლობა


ტექნიკური ქ. დ ე მ უ რ ი ვ ა.

რედაქციის მისამართი — სულხან-საბას ქ. № 15. ტელ. 9-98-71. ფიზ. ფორმ. რაოდ. 1,75. პირობით ფორ. რაოდ. 5,8.




ხელმოწერილია დასაბეჭდად 13/VII 64 წ. ქალაქის ზომა 60x92. ტირაჟი 50.000. შეკვ. 1670 უე 04487, ფასი 30 კაპ.

საქ. კვ. ცვ-ის გამომცემლობის სტამბა № 1, ლენინის ქ. № 14.

Ежемесячный общественно-политический и художественно-литературный журнал «Сакартвелოს კალი». Издательство ЦК КП Грузии.



საქართველო
სპორტისთვის



6 1197

ИНДЕКС 76177


ეროვნული
ბიბლიოთეკა

